

ACADEMIÆ  
GLASGUENSIS  
ΧΑΡΙΣΤΗΡΙΟΝ.

*Ad augustissimum*

MONARCHAM  
CAROLUM

MAGNÆ  
BRITANNIÆ, FRANCIÆ,  
Et Hiberniæ, REGEM, Fidei  
Defensorem, &c.

Cum ex ANGLIA profectus in SCOTIÆ  
Regnum solenni ritu inauguraretur.

---

18. Iunii,  
*Anno Æræ Christianæ 1638.*

---



---

EDINBURGI,  
Excudebat R. JUNIUS. 1638.

GLA SQUENIS

NOTATION

APOLINE

for Dr. Lyon & Co. Vol. 1, p. 1, line 1



In adventum Serenissimi Britanniarum &c.  
Regis Gratulatio.

**I**Orthiadas nuper supplex in vota vocavi,  
Et mihi se faciles dederant in carmina, Regi  
Dum canerem, Regi, cui nulla e sanguine Regum  
Fergusidum videre parem, nec postera sæcla  
Audierint, Magni O soboles generosa parentis  
Da veniam, neq; enim tanti te laudibus est fas  
Invidisse patris: Tu nunc eris alter ab illo.

Vos quoq; *Glasguiaci* justissima cura Lycei  
*Glottia*des Musæ, huc operas contrudite, vobis  
Digna hæc materies, hæc area *lata* laborum,  
Qua sudare decet, reducem molimine magno  
Dum canimus Regem eximium, patriæq; parentem  
Argumentum ingens, & onus cervicibus impar.

Qualis *Gnosface* chara incunabula *Crete*  
*Iupiter*, aut *Delon* maternam invisit *Apollo*,  
Tum vero Fauniq; leves, *Satyriq;* 'bicornes,  
Naiades, Dryadesq; & Monticolæ silvani  
Exultant, plausuq; alacres, fremituq; secundo  
Certatim ingeminant venerabundo ore salutem  
Talem te (*Regum* Rex præstantissime) tandem,  
Post tot *Olympiadas* linquentem *Thamidis* vndas,  
Ad patrias oras, expectatosq; penates  
Conspexit reducem cælo sol aureus alto.  
Illa dies niveo nobis signanda lapillo,  
Expectata diu roseâ cum luce refulsit.  
Nonne vides, vt concordi tibi tota tenore

\*

Ma-

Machinā conspiret mundi, tibi cuncta elementa  
 Ambitiosa pijs constanti fœdere certent  
 Obsequijs? Sed parva loquor, tibi celsa Cupressus  
 Cedrusq; atq; abies, connataq; robora filvis  
 Inclinant capita, atq; suo te more saluant.  
 Inde tibi ostentat se *Grampus*, inde & *Ocellus*,  
 Substernuntq; sacris umbrosa cacumina plantis.  
 Ille recurvatis ludens *Meander* in undis  
 Scotigenas inter longe celeberrimus amnes,  
 Ille tuus natalis, ovans tanto hospite, utroq;  
 Margine *Fortha* ferax, seu divitis vberis glebæ,  
 Seu, quæ ex abstrusis penetralia cæca cavernis  
 Eruta, longinquas ditant commercia gentes,  
 Regificas ostentat opes, manifesta daturus  
 Lætitiæ documenta suæ, si posse daretur  
 Exanima humanas audire & reddere voces.  
 Ast ubi jam patriæ perventum ad limina sedis,  
 Arcis *Edineæ* Capitolia celsa saluant  
 Regem adventantem, atq; audin? de rupe superba  
 Quanta mole globos imitantes fulmina Olympi  
 Flammivoma eructent tremulo tormenta fragore,  
 Horrifico tonitru, cœlumq; solumq; cientes  
 Atq; salum. Credas converso cardine rerum  
 Naturæ cessare vices, & quicquid ubiq; est,  
 In chaos antiquum, suaq; in primordia verti.

Quid tibi tunc animi (Rex CAROLUS) quis tibi sensus  
 Talia cernenti? quanto trepidantia motu  
 Pectora subsultant? quantum tibi gaudia mentem  
 Pertentant tacitam, cum tu prælustris ab auro, &  
 Murice *Sidonio* toto spectabilis orbe,  
 Quadrupedante invehis equo sublimis, ab alto  
 Prospiceres hilaris læto latè omnia plausu

( )  
Compita compleri, & denso agmine strata viarum  
Fervere nobilium magna comitante caterva.

Dicite, quæ bifido sacras in vertice sedes  
Incolitis, ( mihi nam gelidus præcordia circum  
Torpida sanguis hebet). Vos cætera dicite Musæ  
Quanquam hæc sunt tantum præludia prima, at amoris  
Pignora, & obsequij, sed adhuc in limine primo  
Hærentem, majora manent: longo ordine cives  
Hic avidi expectant Regis contingere dextram,  
Æmulaq; indubijs testari gaudia signis.  
Te populus, patres, populi, patriæq; patrumq;  
Delicias, salvere jubent, & læta precantur  
Exanimo, seseq; tibi suaq; omnia dedunt,  
Agnoscentq; ultro, placida quod pace fruuntur,  
Muneris esse tui, postquam ille tuus, *μνασις*  
Ille tuus genitor, ter maximus ille *IACOBUS*,  
Concessit fatis, cui soli e sanguine Regum  
Fata reservarunt, vt, qui tot sæcula quondam  
Inferis coiere animis, cum *Brittone Saxo*,  
*Scotus*, & *Hybernus*, socialia fœdera jungant.  
Quis *Taum Thamesini*, vnquam (mirabile dictu)  
Si vel ab extrema nascentis origine mundi  
Annales repetas, vni parere Monarchæ  
Audijs, atq; adeo, sine sanguine, cæde, tumultu  
Audijs hostiles coijisse in fœdera gentes.  
Sic, quæ fatidico quondam eructaverat ore  
Enthea vis vatum, (sic fas est credere) in vno  
Auspicijsq; *Iacobe* tuis eventa, ratamq;  
Invenere fidem. Æterno sic fœdere pacem  
Confirmas, quam nulla vnquam dissolverit ætas.  
Quidquod pacis amans, pacisq; atque arbiter, author,  
Compositis odijs in tristia bella ruentes

( )  
Confilio fistis *Gallos, Batavosq;*, & *Iberos*,  
Illaque vicinis late cum adserperet oris  
Arminij exsecranda lues, duce & auspice tete  
Profligata jacet. Sed quo jam provehor? aut quò  
Quò me *Musa* rapis? Quò digressum impetus egit  
Inconsultum animi? Dum, quas æquare canendo  
Lingua nequit, tenui modulamur arundine laudes  
Rex *Iacobe* tuas, non, si mihi dexter *Apollo*,  
Sufficeretve omnes *Helicon* in carmina vires.

*Musa* redi, reliquoque alacrem te accinge labori,  
Majus opus moveo, moles majora canenti  
Major adhuc superest. Qualis *Babylona* superbam  
Cum subit, edomitis cum jam remearet ab *Indis*  
Signa triumphali referens victricia curru  
Magnus *Alexander*. Talis, cum celsus *Edinam*  
CAROLVS invehitur, regali splendido ostro,  
Magnifice se ostentat ovans, sed ne tibi forte  
Imprudens videar magnis componere parva,  
Accipe quam immani inter se discrimine distent.  
Ille quidem infamis mundi prædator, ab ortu  
Quicquid ad occasum magnus complectitur orbis,  
Cum late imperio premeret, nec jam amplius vnus  
Sufficeret mundus, totum repleverat orbem,  
Lamentis gemituq; & femineo vlulatu.  
Ille catenatos Reges, gentesq; subegit  
Degeneres, famulo submittere colla capistro  
Dum se *Hammon*e satum *Pellæ* mentitur alumnus,  
Mandat thuricremis sibi dona imponier aris.  
Ast vbi jam famæ totum bacchata per orbem  
Exsecranda fames, converso cardine rerum,  
Ecce repente ferox violati numinis vltrix  
Ante diem *Nemesis* succidit fila juventæ,

Nec

( )

Nec licuit patrijs devicto ex hoste trophæa  
Ostentare dijs. At tu (Rex CAROLE) festa  
Fronde sacram redimite comam pacalis Olivæ  
Missa tot a proavis dextrè dum sceptrā tueris,  
Iustitiam pacemq; colis, vestigia *Elise*  
Tuta premens, magniq; patris documenta secutus  
Vicinas vltro socias in fœdera gentes.

Tu procul a ripis *Humbri, Thamesisq;* fluentis,  
Anglobritannorum proceres cum *Scotobritannis*,  
Non jam Adamentæis vinctos captiva catenis  
Colla trahis, sed gaudentes communia tecum  
Gaudia, ad indigenæ deducis littora Forthæ.  
Sarta *Θεομενέων* Tu tecta oracula varum  
Afferis, & populo præiens imitanda sequaci  
Publica, privatim præbes exempla Ministris,  
Scilicet & populi pendent a principe mores.  
O rarum exemplar, vixq; ipsi imitabile vulgo:  
Maçte ista virtute, istis Respublica crescit  
Artibus, his privata loco consurgit in altum  
Ex humili subvecta, his demum limen Olympi  
Scanditur, his veneranda Dei datur ora tueri.

Anne ideo temere est, quod te contermina regna  
Dum metuunt, tamen vsq; colunt, reverentur, adorant  
Submissee? (*Neg, enim quisquam te impunè laceßet*)  
Extera te venerantur, amant & fœdere jungi  
Exposcunt. Tanta est capitis Reverentia *capit. sacri.*

Ergonete reducem tua Scotia læta triumphet  
Gaudeat, exultet tali tanto hospite? quantum  
Illa *Gatheliaci* post prima exordia regni  
Nulla *Caledonijs* ætas conspexit in oris  
Ante tuos fasces *Iacobe* (ignoscite aviti  
Ingentes maneis) cui nullus in orbe *Britanno*

Sol




Sol vidit parilem, ne tum, cum Brittone fuso,  
 Ingentem *Thamesin* Romana potentia quondam  
 Sub iuga misisset. Quin optatissime rerum  
 CAROLE, quam blandis avidè te amplectitur vlnis:  
 Aspice, iisdem vlnis, quibus olim ex vbere matris  
 Pendentem, complexa sinu gestare solebat  
 Sedula, habet tota tandem quem mente petivit  
 Mæsta diu *Caledon*, quem propter conscia vovis  
 Astra fatigavit, quam mæsto pectore cives  
 Solliciti toties suspiravere querelis:  
 Quem propter suspensa tholo donaria templis,  
 Digna Deo toties sacra ad fastigia fixit.  
 Quando igitur voti tandem pia numina, cives,  
 Damnavere reos, multumq; optata tueri  
 Ora datur, jam vota Deo persolvere par est,  
 Qui dedit incolumi patrios invisere fines,  
 Ut tibi, quos meruit virtus, meritissime Regum,  
 Inq; tuos cives pietas, sacremus honores.  
 Nec tu, istis quæ parva damus, de paupere censu  
 Sed studiis metire animos, & corda tuorum.  
 Sed neq; parva damus, si quis non munera dantis  
 Respicit ingentius, qualem te sentit abundè  
 Quisquis ab officijs tibi se integritate, fideq;  
 Demeruisse velit. Sed, ne quicquam tibi desit,  
 Publica quod confert ad gaudia, (*Maxime Regum*)  
 Ecce tibi Phœbus *Delo*, *Zanthig*, fluentis  
 Posthabitis, Cytharam exornat, tibi docta *Thalia*  
 Garrula blandifono modulatur plectra canore.  
 Hinc *Erato*, virides capiti subnexa Corymbos  
 Tempora Pampineis illinc redimita Corollis,  
 Mellifluumq; melos meditans *Polyhymnia*, blando  
 Pindaricos ciet ore sonos modulamine dulci,

( )  
En tibi *Pierides*, non infima gloria, abusq;  
Parnassiq; jugis, sacriq; Helicopis ab antris  
Excitæ, coiere, ingens venerandaq; turba,  
Quicquid honoris habent, in te conferre paratæ.  
Tu modo, ne tenues, tanto quod Principe Dignum  
Nil habeant, (neq; enim quicquam nisi verba supersunt)  
Aspernere, humiles neu despice, parva ferentés,  
At, ne verba dari, cum dantur verba, rearis,  
(Absit ab ingenuis procul ista infamia Musis)  
Virgineusq; pudor prohibet dare inania verba,  
Nec dare nil fas est, Tu, qui miseratus, egentes  
Suscipis, atq; humiles apicem sustollis in altum,  
Id præstare potes, sinerent modò seria rerum  
Tantarum momenta animum intendisse minutis,  
Da veniam (neq; enim ingrátas Rex inclyte Musas  
Arguet ulla dies) Per te, nos otia pacis  
Tranquillè colimus, Per te ( licet vndiq; adurget  
Pauperies) procul a strepitu, & clangore tubarum,  
Securæ in solis placidè requiescimus vmbis.  
Nec tu, adeo curâ tantorum, & culmine honorum,  
Indignum censes miseris succurrere Musis.

Finge tibi, quicquid tuæ *Scotobritannia* vbiq;  
Pieridum celebrat, sacris se advolvere plantis,  
Vnum omnes Regem te suspiciuntq;, fidemq;  
Implorant, in te spes inclinata recumbit  
Pieridum, nec tu despectas neglige Musas.  
Per patrios maneis, quos, (vitæ lumine cassis  
Siquis sensus inesse potest apud infera regna)  
Finge tibi hoc ipsum deposcere, (nam neq; fas est,  
Ter magno licet) esse patri pietate secundum,  
Per, qui terna dedit sceptris superaddita sceptra  
Perq; tibi teneris olim quæ crevit ab annis,

Relli-

( )  
Religio veneranda, cui, si Castalis vnda,  
Si Sophia, aut roseis liquid mellita labellis  
Suada dedit, Dia indulxit si quid *Theocrene*  
Quantumcunq; pote est, merito debere fatemur,  
Athea Barbarico discant vt sæcula Sanctum  
Pro Iove posse Iovam Cananæa reddere lingua.



*Supplicatio nomine Religionis & Mystarum.*

**I**psa sacros laniata sinus vestemq; decoram,  
Cujus adorato capiti substernere plantas  
Non pudeat Reges, mundi sub utroq; jacentes  
Cardine, vel turpi sædantes pulvere crines,  
(Sic sacrosancta olim cecinere oracula patrum,)   
Ipsa tibi canos (viden?) vt promissa capillos,  
Supplicat, intendensq; manus se sternua fistit  
Ante tuum solium, & sacros gemebunda Ministros  
Contemptim ingrato queritur vilescere mundo,  
Hisq; suum Regem compellat vocibus ultro.

Illa ego sum, teneris cui tu dilectus ab annis,  
Exceptusq; meis vagiisti infantulus vlnis,  
Sedula te in cunis fovi, jam pendulus infans  
Implicitus teneros per eburnea colla lacertos,  
Sarcina reptasti gremio gratissima nostro.  
Deniq; formavi mores animumq; sagacem,  
Ingeniumq;, animosq; Augusto principe dignos.

Illa ego sum, quæ tergemini diademata regni  
Regis adorato capiti superindui, & auctum  
Majestate ampla, & nulli splendore secundum,  
Inter honoratos jussi clarescere Reges.

( ) ✓

Pro meritis, & si qua tibi debebimus ultra,  
In gremium ( Rex magne) tuum deponere curas  
Anxiferas, liceat mæstas iterare querelas  
Fas desolatæ dilecti Regis alumni  
Implorare fidem, nec te piget *επιεικῆ*  
Munificus, qui nunquam inopem dimittis inanem,  
Fas mihi sit nulli temeranda reposcere jura,  
Iura, tot a proavis ad sæcula sera nepotum  
Transdita, Per, tibi, quæ teneris infedit ab annis  
Relligionis amor, Per, qui te tantus amata  
Tangit honos, Per, magna mei quæ cura remordens  
Mentem angit, per, quæ capitis reverentia cani,  
Respice me jamjamq; (vident) moribunda fatisco.

Ni me animus fallit, jamdudum scire laboras,  
Quæ mihi causa viæ, quæ tanti causa doloris  
Anxia sollicitat. Paucis advertere mentem  
Si vacat, expediam ( nam te discrimina tanti  
Imperii ( quanquam hac curâ nil munere Regis  
Dignius esse puta) & moderantem juris habenas,  
Forte latet, quæ sit rerum fortuna mearum)  
Vnde mali tanti si fors quærat<sup>ur</sup> origo,  
In promptu ratio est. Sacrum prædator ovile  
Involat, obicibus perfractis juris & æqui,  
Sacrilegâq; impune manu, raptatq; trahiq;  
Prædia pastorum, prædâq; potitus opimâ,  
Applauditq; sibi, seq; autumat esse beatum.  
Nec tondere satis, quin, lacte & vellere pastus  
Deglubit, miseriq; gregis depascitur artus.

O scelus infandum, nulloq; piabile thure!  
Interea, qui pastor oves ad pascua læta,  
Ad rignos fontes, & viva ad flumina ducit  
Pauperies invita premit ( miserabile dictu)



( )  
Quamquam parva loquor, viduas pastoribus (eheu)  
Cernere erit caulas, quot oves per opaca locorum  
Palantes miserè videas, perq; avia tesquar?

O dolor! anne ideo patres, pia nomina, donis  
Fanauxere sacris, censu de paupere, vt ætas  
Postera, parta manu tanquam de marte trophæa  
Pinguia nidensis trahat ad fomenta culinæ?  
Hæccine degeneris monumenta infamia sæclis?

Tu tanto medicina malo, (Iustissime Regum)  
In te vnum defixa oculos, animosq; recumbit  
Religio, penes est vnum, Harpyasq; rapaces,  
A caulis arcere lupos, avidosq; leones.

Non magnas miramur opes, non multa talenta  
Argenti atq; auri, non quæ radiata supellex  
Lumina perstringit, non vasa argentea, nec quæ  
Veller a transmittunt ad regna exotica Seres,  
Fercula non avido nimium placitura palato,  
Non laqueata auro, Parijsve innixa columnis  
Atria, regifico nec structa palatia luxu,

Nil moror hæc, Tantum contemptu & sordibus istis  
Assernisse velis, Mystas, Musasq;, sacrorum  
Mystarum famulas. Atq; en tibi carmina, Qualem  
Sordidulæ casulæ, Qualem pannosaq; sædè  
Pauperies, potuere tibi producere prolem.  
Non sale Cecropio, Graio neq; tincta liquore,  
Sed respersa (vides) maculis fuliginis atræ.  
Ergo, tibi, & nobis, illa aurea regula, nunquam  
Decantata satis, placeat, mediumq; modumq;  
Quæ servare iubet. Norma hæc & juris & æqui:  
Queis angusta domi res est, & curta suppellex,  
His animos miserè videas tabescere, membra  
Torpida deficiunt, miseris genua ægra labascunt,

Anxia



Anxia sollicitis languescunt pectora curis,  
 Pallor in ore sedet, macies, jejunia, egestas,  
 Contemptus, Musas, Mystasq; ad munia sacros,  
 Sordida detrudunt, laribusve, vrinania rerum,  
 Eiectos patriis, longinqua ad regna relegant.

Nec minus est (experta loquor) res plena pericli  
 Ambitiosus opum magnarum, & splendor honorum.  
 Non pene conveniunt pietas, cælestia anhelans,  
 Luxus iners, & quæ dulci medicata veneno  
 Vel sanas etiam dementant gaudia mentes,  
 Et stabiles flectunt recto de tramite gressus.

Quo tamen hæc? exempla vetant me tristitia, dudum  
 Vulueris obducti crudum renovare dolorem.  
 Sed minor inde metus, peccant hæc tempora, in illud  
 Extremum, gravius, Scyllan interq; Charibdin  
 Difficilis cursus, longe natat vncta carina  
 Tutius hac, mediamq; viam tenuisse juvabit.

Tu præscribe modum, nos iussa capeffere fas est,  
 Et me redde mihi, meq; in mea jura repone,  
 Per sacram, mihi quam debes, Rex magne, Tiaram,  
 Oramus, miserere animæ non digna ferentis,  
 Et sceptri virtute tui pendentis ab vna.

Sed quid ego hæc autem? currenti subdere calcar  
 Nil opus est, insiste pijs conatibus, vrge  
 Sedulus, iusta operi, stimulos cunctantibus adde,  
 Queis Regis pia cura dedit molimina regni,  
 Et iussit gravibus validè se intendere rebus.

Perge alacer, fidenq; animi, duce & Auspice Christo  
 Qui te ideo evexit tantarum ad pondera rerum,  
 Per varios casus, per mille volumina, durum  
 Scandit iter pietas, & mens sibi conscia recti,  
 Ardua magnarum superat fastigia rerum:

Tu ne cede malis, sed contra audentior ito.

Sic tibi det, ocelum, & terras qui numine torquet,  
 Prostibuli infamis *Babylonis* supra nefandæ  
 Infanda vlcisci, devotaq; mania dudum  
 Exitio, ex imis evertere fundamentis.  
 Nec fatis hoc, ipsumq; adeo fatalibus armis  
*Tarpeium* exturbare *Iovem* de rupe superba:  
 Quod pater ille tuus jam designaverat olim,  
 O dolor! ante diem fato præreptus acerbo.  
 Hanc tibi regnorum hæredi, & virtutis avitæ,  
 Lampada commendat fatis cessurus iniquis.  
 Non vult Mæonides vates illum armipotentem  
*Ajacem Telamonomaden alexandrophon* haberi,  
 Sed *Laertiaden*, signum fatale *Minervæ*  
 Qui rapuit, cæsis summæ custodibus arcis.

Ergo animis, atavisq; potens te concipe digna,  
 Magne heros, magnos (jam præsto est tempus) honores  
 Aggredere, & quo majorum molimina rerum,  
 Quò tua te fortuna vocat, Sors, vivida virtus,  
 Et vegeti vigor ille animi, & prudentia solers,  
 Quò te fata vocant, accinge, illuc pede dextro,  
 Auspicijsq; bonis audentia pectora ferre  
 Ne dubita, dabit eventus (Rex Magne secundos)  
 Armorum belliq; potens, neq; enim hic tibi fas est  
 Sistere, degeneres inglorius exigat annos,  
 Et serpat contemptus humi, cui dia negavit  
 Pectora, & ingentes animos natura noverca.  
 At tibi, quem jam olim fata ad majora reservant,  
 Tollere humo, tibi docta virum volitare per ora  
 Sorte datum, tibi fas assurgere ad ardua rerum  
 Culmina, fortunæq; humilis transcendere metas,  
 Si quam oracula fidem meruerunt Enthea vatum.

Sed

( )

Sed quo proveheris? Quò te rapit Entheus ardor  
Musa procax? Quò te tam subvehis ardua? Qualis  
Æthera per liquidum fertur Iovis armiger ales,  
Muneris ista tui non sunt, neq; viribus istis  
Æqua satis, tenues temerè quid grandia? oportet  
Serpere humi, & tenui modulari carmen avena.



*Civitatis Glasgvanae & Academiae,  
Gratulatio, & Supplicatio.*

**I**LLA dies Regem patrijs qua sistit in oris,  
Lampadis auricomæ face candidiore refulsit.  
Illa dies plausuq; hilari, & clamore secundo  
Invitat genus omne hominum ad solennia festa,  
Vnda Caledonias quaquā circumsonat oras.  
Ipsa (vides) veneranda *Themis*, sanctusque Senatus,  
Festa agitans, tria verba filet, legumq; remissa  
Majestare gravi cessat veneranda potestas.  
Fervet opus, vident, ut juvenum manus emicat ardens,  
Et lætum Pæana canens per compita, campos,  
Exercent varias patrio de more palæstras?  
Quodq; magis mirère, ipsi jam ætate verendi,  
Invalidique senes, pueri immixtique puellis  
Sacra canunt, pulsantque hilares pede præpete terram,  
Mutuaq; alternis implexi brachia, festas  
Contendunt certatim agiles celebrare choreas.

Iure igitur meritoq; tuo cum publica ubiq;  
Gaudia, privati passim celebrentur honores,  
En tua sese offert tua *Glasgva, Glasgva*, Regis  
In proavos, studio, obsequijs, pietate, fideq;,

Atq;

Atq; adeo in te ipsum, nulli cessura tuarum,  
 Quas vrbes, latè spatiosa *Britannia* laxo  
 Eit complexa sinu, nec amoris pignora desunt,  
 Pignora, Ter magno quondam pergrata parenti.

Vnum illud multorum instar, quod sedibus istis  
 Ille tuus Genitor debet primordia vitæ,  
 Hisce rudimentis tam jactabunda superbit  
*Glasgwa*, quam supero gaudet *Iove Gnosia* tellus,  
 Queis neq; *Sterlina* cedit, neq; cedit *Edina*,  
 Ista licet magni patris incunabula jactet,  
 Illa juventutis quanvis fundamina primæ  
 Magnificè ostenter, debent hæc pignora Regem.

Vnum illud, querulos inter communia cives  
 Gaudia, sollicitat, quod non dant ora tueri  
 Tam chari capitis, Quod si, ne in publica pecces,  
*Glottiacos* graviora vetant invisere fines,  
 O tantum libeat, nostri memor esse, vicissim  
 Nos tibi, nos tenues, & siquid possumus, ultro  
 Deferimus, sacrisq; tuis advolvimur aris.

Nos quoq; *Glasguiaca* propter vada cærule *Glotta*  
 Quæ colimus, Musæ, juvat accisisse labori,  
 At quibus officijs, inopes devota probabunt  
 Pectora Pierides? Quæ regi conscia amoris  
 Piguora, & obsequij dederint de paupere censu?

De locuplete penu, grati tibi plurima cives  
 Dona ferent, ampla illa quidem, sed Principe tanto  
 Digna parum. Sed quo tandem nos numere Regi  
 Sistemus? Nam, quæ passim lasciva juvenus  
 Ludicra, lætificæ celebrant per compita plausu,  
 Non bene conveniunt Musis. *Gangetica* tellus  
 Quas mittit merces, nec habent, nec habere laborant  
 Pierides, nempe his sola *Δουρακινια* cordi est.

Non



( )  
Non Casiam, Staetæ non suaveolentis odores,  
Non quod in *Eois* coquitur fornacibus aurum,  
Thurave, odoriferos *Nabathæi* ruris honores,  
Sed nec in *Assyrijs* campis quod crescit Amomum,  
Non Nardum, aut gēmas, claro ex oriente, Smaragdos  
Lucentes, flammæve imitantes rite Pyropos.

Dum dubito, pendetq; animus, quo munere Regem  
Demerear, neque dum expedio, mihi Cynthius aurem  
Vellit, & admonuit. Quid tristi talia demens  
Mente agitas? Sua qui multis largitur abunde,  
Qui mylitas Musasq; colit, nihil ista moratur.

Tu tantum, domino, quæ pauper reddit agellus,  
Quantulacunq; refer: Magni indulgentia Regis  
Novit, quid tenues deceat, neq; magna reposcit  
A parvis. Tu magne pater, cui militat omnis  
Pieridum, Phœbiq; chorus, cui marcida messes  
Ter quinas, subito revirescit *Delphica* laurus,  
Mutaq; jamdum Cortyna remugit ab antris,  
Accipe, sed facilis, vultuq; & mente serena,  
Quæ tibi parva damus, fors & majora daturi,  
Sis patijs dimensa suis nostra atria, dudum  
Prolatata, rudi sed adhuc fundamine, ritè  
Ad justam dabitur tandem consurgere molem.

O dolor! ingenuasne decet squalentibus vmbis  
Angustisq; casis, & cæco carcere cogi?  
Interea, dum fervet opus, proh vrget egestas  
Improba, & inceptis suadet desistere vanis.

Dum loquor, en pendent opera interrupta, minæq;  
Murorum, nuper spondentes grandia, tardè  
Assurgunt. O tu curæ cui sancta, sorores  
Numina sunt, sacris averte a sedibus omen  
Phoebe pater, ne, quæ castis loca sancta Camœnis

Hac




( )

Hac celebrata tenus, jaceant deserta, sitiq;  
Languida marcescant, vacuis Heliconis in antris.  
Dij tantum prohibete nefas, Tuq; optime Regum  
Id prohibe, festisq; velis succurrere rebus.  
Ad te confugimus, Tu nobis antheora sacra,  
Præsidiumq; decusq; atq; ingens gloria Musis.

Non sumus indecores, tua quas colit Anglia Musas,  
Teutonia, aut Latium, nec sit reverentia vero.  
Gallia testis adhuc, vicinia testis Ierne,  
Et bene apud memores meritorum gratia perstat.  
Magnos magna quidem, decet & regalia Reges  
Dona dare, at nos, pro parvis non magna reponi  
Poscimus: Ista veterumdis procul ista facessat  
Rustica barbaries, audaxq; procacia Musis  
Magnus Alexander, Satrapæ, cum multa dedisset  
Natarum in thalamos, auri argentiq; talenta,  
Quo mihi Rex (inquit) quo tanta utrunq; merenti?  
Ille refert, longè illa quidem, si vera fatemur,  
Sunt meritis majora tuis, me expendere oportet  
Quid magnum deceat Regem, mundi; Monarcham.

Siccine Musa procax Regisq; oblita, tuiq;  
Obstrepis, obgannis? Tene abjectissima rerum,  
Ingenui metas perfricta fronte pudoris  
Transiisse decet? (Rex clementissime) culpam  
Deprecor, at noxam, quo tandem thure piabo?  
O tantum liceat luituræ expendere poenas,  
Iudice tete ipso, poenamq; autore levare.

GVIL. VALLAS.



O R A T I O  
 IOANNIS STRANGII  
 ACADEMIÆ GLAS.  
 Præfecti ad R E G E M.



Uam ardentem cupio, pro munere mihi imposito, Rex augustissime, salutationem gratiosam & gratulationem officiosam communi nostro, & totius academiz Glas. nomine, sacratissimæ tuæ majestati offerre; tam longè ab instituto votoq; me meo abesse video, non tantum ob infantiam meam, & tantæ majestatis jubar, oculorum aciem insolenti fulgore perstringens: sed quod ipsa mihi rerum, quæ se dicenti offerunt, in tantillo tempore, copia maximam pariat consilii inopiam. Etenim in te, ac per te, tot ac tanta gratulationis argumenta nobis suppetunt, & ex jucundissimo isto aspectu in oculos nostros se ingerunt, quot & quanta, non dico, dici aut cogitari, sed nec dici nec cogitari queunt. Ego vero ex hoc immenso acervo, paucissima parcissime delibare statui, ita raptim, ut canis è Nilo; ne longo sermone tua tempora moratus in publica peccem commoda: non ut gratiam tuam aucuper, sed ut ad gratias Deo persolvendas ex nudâ beneficiorum ejus commemoratione omnes, quoad ejus fieri potest, excitem.

Quod si unquam alias Scotiz nostræ Deo gratias agendi,

A

agendi, sibi gratulandi, lætamque ac festam pægyrin celebrandi occasio aut materia oblata est; Certe hoc potissimum tempore, quo regem suum, principem omnium orbis terrarum florem delibatum, patrem patriæ in patriâ natum (qualem forte nunquam alium videbit) vix exactâ infantia, quam nimis infirmam meminit, hinc olim translatus, nunc demum post tot annorum interval- lum, natale solum visentem, formâ & specie tantæ majestati consentaneâ præstantem, robore ac viribus animi pariter ac corporis æquales omnes superantem, avita sceptrâ tenentem, & ex usu Reipublicæ ad votum optimorum moderantem, videt, audit, complectitur, in quo omnium suorum bonorum, omnium Dei, cujus vicem in terris agit, donorum epitomen videre est.

O faustum & fælicem hunc diem, quo his nunc enim intueri oculis datum est, in quo proximè & secundum Deum omnes nostræ spes & opes sitæ sunt, his inquam oculis, ex quibus olim largis fletibus ora rigavimus, dum procul à patriâ in Hispaniâ morantem spernque metumque inter dubii desideravimus, numenque divinum, ut sospitem reduceret, piis votis sollicitavimus.

*Res est solliciti plena timoris amor.*

Neque vero nullam metus subfuisse causam, novit qui omnia novit, cui propterea quod ex hoc & aliis omnibus periculis carum sibi caput eripuerit, perpetuo laudis sacrificio litabimus.

Cum Regem nostrum utriusque gentis, Scotorum & Anglorum flore stipatum cernimus, non possumus non recolere omnium beneficiorum copiam, quæ ex istâ fælicissimâ conjunctione utriusque populi in utrumque redundarit, sub eodem rege, lege, religione, sopitis odiis antiquis, se mutuo complectentis, & adversus vim omnem externam confirmantis.

Cum regem nostrum regiæ nobilitatis ac stemmatis exemplar unicum & singulare, antiquissimi regni sui sceptrâ semper invicta à centum septemque proavis longâ serie derivata nuper capessentem vidimus (quæ  
gloriâ

gloriâ omnes quotquot usquam sunt, aut unquam fuerunt Imperatores, reges, & principes aliarum gentium longissimo superat intervallo) Cum inquam nostrum hunc, tot regum hæredem, novis etiam regnis cumulatam, & hæredem omnium virtutum, quæ in singulis ipsius majoribus elucescebant, conspiciamus; Cur non raram fœlicitatem, cur non eximiam Dei benignitatem, quam in istam illustrissimam familiam, & per eam in gentem universam contulit & exercuit, quantâ fieri potest animorum alacritate celebramus?

Sed si reliquos omnes Regis majores prætereamus, Nunquid patris JACOBI, cujus solio proximè succedit, imago nobis obversari non potest? Nunquid quæ ejus beneficio à filio continuata bona possidemus oculos nostros effugere valent? Næ illo inter omnes orbis principes & Dynastas majorem aut beatiorum nusquam vidit magnus hic mundi oculus. Liceat mihi nunc liberè loqui de ipso, cui fati functo nemo assentari dixerit. O Solon, Solon, tuum illud effatum celebratur

*Ultima semper*

*Expectanda dies homini, discique beatus*

*Ante obitum nemo supremæque funera debet.*

Tu rigidus ille fœlicitatis censor, hunc post funera beatum dejerasses; Tu quoque philosophorum princeps Aristoteles, qui Ideam nobis descripsisti fœlicitatis, cujus nullum unquam exemplum legisti aut audivisti, si nunc in terris degeres, præ gaudio exultares hoc uno exemplo comprobata esse tuam definitionem: quo invento, non minus seriò triumphares, quàm ille, qui commento suo delectatus nudus è balneo profiliit, *ὑψηλὰ, ὑψηλὰ* ingeminans, lætitiæ modum excessit. Atqui levis & umbratilis ac nomine tenus duntaxat fuit fœlicitas, de quâ philosophi somniarunt, instar nubis, quam Ixion pro Iunone amplexus est, præ illâ verâ solidâ ac divinâ beatitudine, quæ nostro in terris quanta cuiquam mortaliū obtigit, & quâ nunc inter cælites æternū consummatâ fruitur.



Dabit mihi veniam Rex serenissimus, si ex universo genere regio *Patrem Jacobum* sine honorificâ mentione præterire non potui, tum quia proximus est, tum quia inter omnes majores, heroas certè maximos & clarissimos; nemo major, nemo clarior, tum quia de nostrâ Scotiâ, de totâ Britannîâ, de universo terrarum orbe optimè meritis est, & in nostram imprimis academiam benignissimus, quæ utcunque auspiciis Regis optimi *Jacobi secundi* primum fundata fuit, & ab ipso, omnibusque deinceps regibus aliis, variis privilegiis ac immunitatibus donata; tamen ab *Jacobo Sexto*, cum præ inopiâ collapsa & prope confecta jaceret, ita instaurata, dotata, aucta, & ornata est, ut prope quæ habemus omnia illi soli accepta ferenda sint. Quippe optimè norât Rex sapientissimus, quantum Reipublicæ interesset, in ista præsertim regionis suæ parte, academiam pietate & bonis artibus florentem extare. Et si Deus ipsi longioris vitæ usuram concessisset, effecisset utique, ne qua ad tantam rem necessaria nobis deessent.

O terque quaterque beatam Britanniam, cui talis unquam Rex contigit. O nos miseros et infelices, qui tantum bonum amissimus. Multa sunt bona (ait ille) quæ carendo, magis quam fruendo, intelligimus. Sed Deo gratia, non est quod amissum queramur, nec sibi nec nobis. Cum ipse nunc in solio æthereo, tantum reges omnes mortales gloriâ superet, quantum illi, hominum immo animalium abjectissimum, & alter ipse, quem cernimus, eadem sceptrâ, eodem animo, genio, arte, & virtute tractet. Ecce etiamnum pater in filio spirat; patrem nobis superstitem præstat filius. Appello vos proceres Angli, Scoti, & quotquot non estis peregrini domi, num quidquam patriæ constantiæ, prudentiæ, spiritus, regiminis, desideratis in filio? Perilustrate animo omnes exterâs regiones, fastos & annales nostros, & omnium nationum evolvite. Quis unquam audivit tantam mutationem sine mutatione factam, & eodem prorsus tenore patris & filii leniter fluens imperium? Nihil in aula, nihil in senatu, nihil



( )  
nihil in foro, nihil domi, nihil foris immutatum, nisi quod ex patris sententiâ ex deteriori in melius mutandum esset, ac si vixisset, utique perfecisset. An dubitamus igitur, qui paterna omnia prosequitur consilia & instituta, quin eâdem benignitate ac beneficentiâ academiam, Patris sui curam & delicias prosequatur, donec ab exilibus initiis, & modicis incrementis, eam usque ad *eximium* perduxerit? Cujus rei insigne modo dedit documentum, alacriter concessio nobis diplomate amplissimo, quo omnia academiarum bona & privilegia confirmantur ac stabiliuntur, promptumque ac propensum ad alia majora conferenda se ostendit.

Prætereo quanti beneficii loco habeamus, quod pro patria sua cura & amore, cum nostræ nuper academiarum cancellarium & ecclesiæ Episcopum præfecerit virum, a quo optima quæque merito speramus: gnari quam ardenti zelo, pioque studio in Deum, regem, patriam & ecclesiam flagret: id quod multis jam laboribus exantlatis, maximis periculis contemptis, gravissimoque rei familiaris dispendio publicam ut rem promoveret, abundè omnibus confirmavit.

Magna quidem sunt hæc quæ diximus, sed parva forte censenda, si conferantur cum aliis Regis nostri ornamentis propriis, meritisque amplissimis, quæ mihi perinde est exilis oratiunculæ cancellis complecti, ac mare Atlanticum cotylâ exsorbere: & licet spatiis non iniquis discluderem, nefas tamen existimarem regias laudes quibus nulla par esse potest eloquentia, culpâ ingenii mei deterere. Alexander ille magnus ab Apelle tantum pingi, & à Lyssippo fingi voluit; quanto magis ad divina animi regis ornamenta & monumenta depingenda non vulgari opus est artifice? quæ tamen, etiamsi dicendi facultate aliis omnibus præcellerem, coram rege ipso vix parcè delibare sustinerem. Adeo me meus retardat pudor & ipsius præsentia; qui quam facile præstat, ut ab omnibus uno ore laudetur, tam ægrè laudum suarum præconia audire patietur; Constantino magna non absimilis,

quem agrè tulisse ferunt cum quidam ausus est eum in os beatum dicere. Attamen cavendum nobis est, si nihil dixerimus, ne dum assentationem fugimus, in Deum ingrati simus, cui soli suas dotes & merita in homines quæcunq; Rex accepta refert; qui etiam ministros & organa suæ bonitatis ac beneficentiæ, propriâ laude, gratique animi officiis, fraudari minimè vult.

Sinite ergo me auditores præterire splendidissimas spectatissimi Principis nostri virtutes, quibus alios cujuscunq; ordinis mortales supereminet, sapientiam cum prudentiâ, justitiam cum clementiâ, liberalitatem cum temperantiâ, gravitatem cum comitate, animi magnitudinem cum moderatione.

Sed nunquid vobis religio videtur religionem ejus & pietatem tacere, quæ re verâ fons est omnium virtutum, mater omnium benefactorum beneque dictorum, sine quâ quicquid virtutis nomine censetur, omnino larva est & hypocrisis. Ille qui solo Deo minor est, cultu Dei, & obsequio infra omnes minimos se dimittit. Ille qui alioqui nihil ferè habet vacui temporis, pietatis tamen officiis aliquot horis quotidie vacat, & diutius vacat, opinor, quàm plerique maxime vacui: nec satis habet religionem scrinio pectoris fovere, nisi porro profiteatur, nec profiteri nisi re & operâ in vitâ exprimat, nec vitâ modo exprimere, sed auctoritate, legibus, imperio sancire, stabilire, propagare, & adversus hostes acerrimos vindicare: à quâ curâ nullæ eum illecebræ, nullæ difficultates, nulla pericula dimovere unquam poterant. Unde nihil ipsi cordi magis esse solet, quàm ut ecclesiam Dei in aliis regionibus afflictam sublevet, in suis ditionibus ornet & conservet, eâdemque operâ reipublicæ optimè consulat. Ecclesia enim & politia sunt similimæ geminis istis apud Hippocratem, simul ridentibus, simul flentibus, simul ægrotis, simul integris: quarum omnis spes, ut seminis in messe, in ipsarum seminariis, scholis, & academiis sita est. Nec dubium est, quin in hanc curam etiam atque etiam incumbat pius princeps: & nominatim ut quâ

quâ arte Julianus Apostata nequissimus religionem christianam evertere conatus est, noster contrariâ ratione fovere & firmare pergat. Ille cum nullâ vi apertâ, nullâ tormentorum aut cruciamentorum inhumanitate religionem opprimi posse videret, per fraudem & cuniculos rem aggressus est: legem enim sancivit, qua Christianis ludos literarum ademitt, & interdixit, ac ecclesiam bonis spoliavit. Noster verò ex opimis vectigalibus, & bonis amplissimis olim Deo & Ecclesiæ dicatis, sed injuriâ temporis (nequid gravius dicam) interversis, magis magisq; providebit, ne desint ecclesiis pastores, academiis professores & utrisque necessaria præsidia, adminicula, & ornamenta: ne oves Christi palantes pastore & pabulo destitutæ dispergantur & dispereant; ne bonis ingeniis quo minus emergant, obstet inopia; ne studiosa juvenus discendi ergo ad peregrinas & etiam hæreticas academias cum periculo animarum necesse habeat confugere, & adolescentes hîc à nobis instituti alibi gentium victum quærere, aut literis abdicatis ad illiberales artes aut ignobile servitium se convertere cogantur. Hæc & talia pietas & religio Regi abunde suggerunt.

Plato dixit, tum demum beatas fore respublicas quando aut philosophi regnarent, aut reges philosopharentur. At sacræ literæ nos docent veram beatitudinem, Regum, regnorum, ac rerum publicarum, à sincerâ religione & pietate principum unicè pendere. Id quod piorum regum exemplis, Davidis, Josaphati, Hezekiæ, & aliorum in sacrâ historiâ nobilitatorum liquidò demonstratur: & hæ ipsæ nationes præ aliis omnibus gentibus, nostrâ patrumque memoriâ sub sanctissimis principibus, *Jacobo* & *Elizabetha* abunde expertæ sunt; & nunc sub hoc nostro continenter experiuntur.


Hinc dum alibi passim in orbe terrarum tenebræ, turbæ, procellæ, incendia, apud nos in nostrâ scilicet *Gosborne*, clara lux, florens justitia, firma pax, alta tranquillitas, beata libertas, ac bonorum omnium quæ ad animum pariter & corpus spectant affluentia.

O ad-

O admitt *βίλην* & alius inauditam optimorum principum tam diu continuatam successionem ! O nimium fortunatam hanc insulam, si sua bona gratè agnosceret, & uti nosset ! O si peccatis nostris *σφεδὰς* ; *ἀχαριστία* tantæ felicitatis series nunquam abruptatur.

Celebrent alii Alexandrum magnum, Pompeium magnum, et Iulium non minorem : magni hi fuerunt orbis depopulatores, humani generis evertores. At cedo quam unquam regionem foeliciorem reddiderunt, aut quis nunc eos sanus beatorum numero adscripserit ? Tu vero Regum Coryphæe non magis latè patentium regionum et gentium quam tui ipsius rex ; qui (quod de Fabricio dicebant veteres Romani) difficilius à recto, quàm Sol à cursu suo, averti potes : quem meliore jure Patrem patriæ, quam senatus populusq; Romanus Augustum suum, salutamus : quem Trajano illo qui optimus audiit, meliorem gratulamur : quem Constantino verè magno, Carolo magno, et quicunque alius meritò magnus audiit, non minorem auguramur : Imo ipsi regum præstantissimo et beatissimo *Jacobo patri* non imparem speramus : Tu piorum in Ecclesiâ regum, paternæque adeo pietatis æmulus, Perge, ut facis, Christo militare, regni ejus fines dilatare, Christianam fidem conservare, Christi causam vindicare : Ecclesiam ejus alibi gentium pressam refocillare, in tuo imperio florentem præstare, Rempublicam Justitiâ firmare, scholas Ecclesiæ seminaria & Reipublicæ plantaria fovere, omni virtutum genere subditis tuis præluere. Et ut diu pergas, tibi tantisper vitam & gratiam addere, qui dedit, pergat Omnipotens, donec tandem saturum vitæ ac gloriæ terrenæ serò in cœleste regnum transferat : filiumque maturum tibi simillimum in folio tuo stabiliat : Sic te, tanquam mensura votorum, nec majorem nec meliorem nec beatiorum principem desiderabunt hæc aut futura sæcula.





( )

ACADEMIÆ  
GLASGUENSIS SYMBOLUM  
PORTICUM.

**Q**ui mare, qui terras & cælum lumine lustrans  
Volvis inexhausto labentia secula motu  
Auree Sol, mundi patuli lux alma, micantes  
Splendidius radios funde, omni nube remota;  
Jam magis elato surgant temone quadrigæ,  
Efflantes roseum, franis spumantibus, ignem:  
Dum non clara minus nostram lux alteraterram  
Illustrat, longa dispellens tadia noctis:  
Et patrias, post sex nunc lustra, revertit ad oras,  
Chara Dei soboles, hominum flos, gloria regum,  
Carolus, insignis terni diademate regni,  
Antiquam invisens patriam, nataliaq; arva,  
Et populo visenda suo sacra ora recludens.  
Purius astivo splendore refulgeat aer;  
Rara procellosa fugiant in velleranubes;  
Subsidant venti; stratâq; aequaliter unda,  
Caruleis Neptunus equis tranquilla pererret  
Æquora; spiret agris fragrante Favonius aura;  
Luxuriëntq; novo campi, colleſque nitore;  
Fundat humo tellus immensos farris acervos,

B

Quales



Quales lata suas mirantur Gargara messes,  
 Aut ubi centuplo agros fecundat sanore Nilus :  
 Aureus è cælo cumulatè depluat imber !  
 Et quales, Jovis è cerebro nascente Minervâ,  
 Calitus in Rhodios fines fluxisse feruntur ;  
 Tales effundat pluvias bona copia in agros,  
 Quarex cunq̃, feret felici tramite gressus.  
 Illius adventum Nympha celebrate choreis  
 Sylvis qua umbriferis, nemorum qua degitis antris,  
 Fert rosas calathis & candida lilia plenis ;  
 Quæq̃ lacus, fontesq̃ sacros, & amæna fluentia  
 Incolitis, vitreis exite sedilibus omnes :  
 Spargite aquas foliis, inducite fontibus umbras.  
 Vos quoque Glottiades musa, & sacraturba Lycei  
 Glauquiaci, dominomaturè occurrите vestro,  
 Gratantes reduci & letum pæana canentes,  
 Qui vos ornat, alit, ditat, servatq̃ fovetq̃ ;  
 Castalios latices, claramq̃ Aganippidos undam  
 Haurite, arcanis excite Heliconis ab antris  
 Pieridas, totumq̃, vocate in carmina Phæbum :  
 Dicite qua vestras pertinent gaudia mentes,  
 Gaudia qua teneris infantibus ora resolvant  
 Inq̃, Dei laudas, unctiq̃, encomia Regis ;  
 Gaudia quo vobis grata hæc spectacula præstant :  
 Dum Fergusiaden, quo non præstantior alter  
 Imperio populos maderari, nescia vinci  
 A centum & septem sibi patribus, ordine longo,  
 Missa capeissentem Scotorum sceptrâ videtis :  
 Anglia cui parer domina, cui servit Ierne,  
 Quem ferus horret Iber, quem Roma mania & arces  
 Degeneris metuunt, fataliaq̃, arma tremiscunt,  
 Gallica gens ambit, colit & Germania verè

Germana

( )  
 Germana, aeterno cupiunt sibi federe jungi  
 Danique & Batarum, cum Suecis; denique cuncti  
 Formidantq; mali, & iusti reverentur ubique.  
 Quae regio in terris nostrae non amula sortis?  
 Principe qui tanto merito gaudemus evantes,  
 Qui fortuna animiq; bonis & corporis omnes  
 Mortales superat, tam claro stemmate dignis,  
 Dignus qui cunctis praestit mortalibus heros;  
 Orbis delicia, patria spes, vita parensq;  
 Orci terror, amor caeli, lux splendida sacri,  
 Cura Dei, curae Deus est ante omnia ut ipsi:  
 Auspice quo, nostris succedunt omnia votis:  
 Religio, pietas, jus, fas, pax aurea terris  
 Pulsa aliis, tamen in nostris florentq; vigentq;  
 Quas iterum caelecolit alma Astra a relicto.  
 Hac canite, & regem meritis efferte benignum  
 Laudibus: hac vestrus seges est nimis ampla Camoenis,  
 Pieridum mysa, digniq; & Apolline vates.  
 Sed tentate tamen, licet ex aquare canendo  
 Vix Helicon totus numeris, vix Delius ipse  
 Sufficiat, nec si Aonia cum Pallade Musa  
 Huic operi incumbant omnes, iterumq; resurgat  
 Qui cantu flexit scopulos, cursuq; ligato  
 Dicitur attonitos fontes remoratus aquarum.  
 Verum ego Musarum tenuis modo vernula, tanta  
 Haud ausim ingenii culpam praemia laudis  
 Deterere. Ast humili nostrae mage consona sorti  
 Vota precesq; Deo, regi, effundere fas sit.  
 Tu vero quantum praestas, Rex, omnibus unus,  
 Tantum te supera, virtute & honoribus auctus.  
 Perga Deo gratam sine noxa degere vitam:  
 Gloria crux Christi tibi sit: tuam illicet omnis

( )  
 Cura Deo : vigeat pietas longèque faceſſat  
 Vana ſuperſtitio, tua quàm patet ampla poteſtas :  
 Chriſticolumque alibi afflictiſ succurrere rebus  
 Ne pigeat : noſtris & qui bonus otia Muſis  
 Feciſti, patrio complectere ſemper amore.  
 Quod tibi donemus, te dignum, utcunque viciffim  
 Suppetat hand uſquam ſat agentibus : at tibi quæ ſunt  
 Pluris, ab auriferis quod quàm eruit India foſſis,  
 Pactolique Tagique undis, vel lucet arenis.  
 In te animi obſequium gratum, ſtudioſumque fidele  
 Deferimus, vitamque tibi viresque ſacramus  
 Ingenii, æterno devinctaque pectora nexu.  
 Ergo tibi pcnitus devotas accipe mentes :  
 Reſpice nos vultu jucundo, & fronte ſerena :  
 Sis felix felixque tuis : ſic te horreat hoſtis,  
 Mirenturque alii : ſic te ſæcla omnia laudent :  
 Sic tibi propitium numen tua capta ſecundet  
 Omnia : ſic creſcant anni, & creſcentibus annis,  
 Pax, honor, imperium, virtus, læta omnia creſcant :  
 Sic folio ſolium mutes cæleſte caducum,  
 Poſtquam hic Neſtoreos felix compleveris annos.  
 Succedat ſobolis dia numeroſa propago;  
 Integra dum ſupereſt annoſi machina mundi  
 Sic voceo : ſic vota Deus non irrita faxit.

Johannes Strangius.

---

---

P A N E G Y R I C U M.

C Aroli ob adventum regis, qui pater Britannas  
 Juſtitiâque regit gentes, amor orbis, & alii

Cura

Cura poli, Australi imperii regione profectus,  
 Quitandem, procerum votis plebisque petitus,  
 Scotorum faustos gressus, optataque in oras  
 Ora tulit, natale solum, populumque & arvis  
 Invisens sedes, atque incunabula prima,  
 Et veteris regni antiquum diadema capeffens,  
 Exultat dum nunc omnis locus, omnis & aetas,  
 Dum nunc omnis agris tectisque effusa juvenus,  
 Matres atque viri, pueri, innuptaeque puella,  
 Visendi atque salutandi studio undique regis  
 Convenere sui, passisque amplectier ulnis  
 Contendunt, laetaeque ferunt ad sidera voces:  
 Illius adventum aspectu calumque solumque  
 Dum lato excipiunt, & vultu cuncta sereno  
 Gaudia testantur sua, Phæbus purior undis  
 Eois surgens, repetens & purior undas  
 Hesperias, flammis fraternis amula curru  
 Lucidiore polum percurrens luna serenum;  
 Aer pulsa hyeme insigni splendore refulgens,  
 Junius arva ornans viridi formosus amictu,  
 Et loca odoriferis late omnia floribus implens:  
 Olli carminibus dum latis undique sacra  
 Occurrunt nympha, pleno Permessius amne  
 Fons eructat aquas, vatū queis pectora & ora  
 Proluat, ut magni referant praemia regis,  
 Atria Musarum foribus referantur apertis,  
 Totaque Pieridum venientem turba sororum  
 Excipere, & latis certant celebrare choreis:  
 An nos Glottiadum mater quos Glasgia fovit  
 Musarum soboles, sacris addicta Camænis,  
 Qui soliti, patris toto celeberrimi in orbe  
 Principis, & regum laudes efferre priorum,

( )

Mutos esse decet, captantes mollia segnes  
 Otia, seu criticos, famam veritosq, sinistram!  
 Nos ne inter dabimus communia gaudia nostra  
 Latitia specimen? nostra exurgetne Thalia  
 Adventum regis nostri laudesq, canendo?  
 Non ita nos sacra primis docuere sub annis  
 Pierides: ergo argumentum sit licet ingens,  
 Infirmis & onus longe cervicibus impar,  
 (Quisnam etenim magni numeris comprehendere landes  
 Caroli, & exili Musarum dicere versu,  
 Virtutesq, animi, & mentis decor a inclyta possit?)  
 At bonitate tuâ freti, vultuq, benigno,  
 Versibus his licet incultis, tantiq, subire  
 Principis aspectum indignis, in te tamen omnis  
 Testibus obsequii, gratiaq, à mente profectis,  
 Officium tibi deferimus rex optime nostrum.  
 Gratantes tibi dulce caput jam stemmate cinctum  
 Esse Caledonio, & precibus votisq, litanes,  
 Hac tibi, & ut populo Stephanosis fausta sit omni.  
 Teq, adeo magni decet hanc librare tiaram,  
 Et cunctis aliis, queis indulgentia cæli  
 Ornavit regale caput præferre coronis:  
 Namq, hæc Fergusio a primo bis mille per annos,  
 Per proavos centum, per septenosq, priores  
 Transmissa est, invicta & tot per secula durat:  
 In regnis quum saepe aliis mutata fuere,  
 Et dominis cessere externis stemmata aruita,  
 Hac prisca semper sub libertate, sub ortis  
 Principibus stirpe è prisca, haud mutata remansit  
 Non hanc Britto ferus Romanis viribus auctus,  
 Non hanc Saxo ferox depulso Brittone, non hanc  
 Saxone devictis Danus, non Gothica virtus,

Non



Non rex Anglorum Edwardus fœvisimus armis,  
 Magnanimi Vallæ validâ virtute repulsus,  
 (Multa tulit bello qui vulnera, tela, neceſque,  
 Regibus aſſereret Scotis ut Scotica ſceptra)  
 Viribus urgentes poterant acquireret totis.

Quæq; alias domuit Romana potentia gentes,  
 Perq; omnem eripuit diademata regibus orbem,  
 Non hæc eripere aut valuit ſibi ſubdere ſceptra:  
 Sed fixæ hic ipſa ſuos defendere contra  
 Scotorum incurſus, muris fuſiſq; coacta:  
 Vt cecinit vates Romani præco triumphî,  
 “Roma ſecurigeris prætendit mœnia Scotis.

Ergo magnanimâ ſtirps inclyta Carole avorum,  
 Magnanimis ſis major avis licet ipſe, coronis  
 Imperiisq; novis, tituliſq; & hõnoribus auctus,  
 Hanc tibi per proavos tot, per tot ſecula miſſam  
 Felici auſpicio, regali ſuſcipe mente:  
 Hanc tutare, auge, totis & viribus orna.  
 Aſpice quàm te animis latis, populisq; patreſq;  
 Excipiant, quantoteſtentur gaudia plauſu?  
 Sacra Caledonio tibi tempora ſtemmate cinctâ  
 Cernentes, quanta O populos effuſa per omnes  
 Latitia? ordinibus quanti acceſſere nitores  
 Omnibus? ut regni faciès eſt tota novata?  
 Qualis ubi informi brumâ ſol aureus ætâ  
 Sub terras, cælumq; æſtivâ luce ſerenans:  
 Tale tuum nobis lumen ſuaviſſime princeps.  
 Splendida nam propius tua quo datur ora tueri,  
 Flagranteſq; oculos, placidâq; in fronte decorem  
 Cernere, magnanimâ cum majeſtate nitentem,  
 Vita ſaluſq; nova exoritur, nova gaudia creſcunt:  
 Et quocunq; tui tu lumen amabile vultus

Circumfers

*Circumfers, radiosq; micantes corpore toto,  
 Quo propius nostro tua lux advertitur orbi,  
 Spectantum vicina magis praesentia, mentes  
 Exhilarat magis, unde oculi simul omnium, & ora  
 In laudes reserata tuas, in vota precesque  
 Intenta, oblatas prote caelestibus aris.*

*Nosque tuas laudes canimus, semperque canemus :*

*Otia qui Musis optata, & praemia confers :*

*Qui sacunda facis virtutum ut floreat aetas,  
 Ingeniis pateat campus, certusque merenti  
 Sit favor, ornetur propriis industria donis,  
 Ut vigeant artes, excultaque dona Minerva :*

*Qui facis ut cultu niteat veneranda sereno  
 Religio, ut cum pace fides exultet in oris  
 Omnibus imperiis, fractis ut lugeat armis  
 Perfidia, ut gladios mitis clementia saevos  
 Obtundat, vis pauperibus ne infesta potentum  
 Sit metuenda, nec innocuam lis frausque dolosis  
 Artibus exagitet plebem, nec munere prodat.*

*Qui facis ut casula ruris sub tegmine alumnus  
 Quisque sua, tutusque metu requiescat ab omni.*

*Qui facis, ut populi extremo sub sole remoti,  
 Hibernique feri, montosaque tesqua colentes,  
 Quois pro lege fuit vis, quois mos vivererapto,  
 Pacati legum cogantur frana subire.*

*Qui tua non multis legionum regna manipulis,  
 Neve satellitum turba, ferroque cruento,  
 Belligeris nec equis, sed maiestate tucris  
 Juris, praesidio qua freta est semper inermi,  
 Virtutum officiis, vera & pietatis amore.*

*Ipse tuo exemplo vitii incrementa coercens,  
 Et legum ad populi componens frana salutem :*

*Omnigenum*

Omnigenum forse est in te congesta bonorum,  
 Vix ulli concessa viro, mortalibus ex quo  
 Prima hominis labe nocuit, sed singula quemque  
 Nobilitant : hunc forma decens, hunc gratia morum,  
 Hunc animi vigor, hunc veniens e corpore virtus,  
 Hunc pietas, hunc iustitia, hunc prudentia solers,  
 Hunc rigor, hunc gravitas, illum clementia mitis,  
 Hunc oris decor, hunc large indulgentia dextra,  
 Hunc compressus amor vini, castumq; cubile,  
 In te mixta fluunt hac, quae sparguntur in omnes ;  
 Omnia tu collecta tenes, divisa beatos  
 Quae faciunt, insignitus virtutibus unus  
 Omnibus his, quae sunt illustri principe digna.  
 Quarum fama omnes mundi vulgata per oras,  
 Et qua mane oriens, nitidum caput exserit undis  
 Phœbus, quaq; petens occasum lumina condit,  
 Undiq; legatos cunctis e partibus orbis  
 Accivit, pacemq; & fœdera amica petentes  
 Qui tot spectantes, admirantesq; repostas  
 Ingenii geniiq; sub uno pectore dotes,  
 Principe natura tot dona & gratia in uno:  
 Magnificâ eximiam cum maiestate nitentem  
 In facie formam, gravitatem in fronte serena,  
 Immensum regni splendorem, aulq; nitorem,  
 Illustres procerum cœtus, equitumq; cohortes,  
 Servorumq; ornatum ostro lucentium & auro  
 Qualem Roma olim tranquilla pace fruentem,  
 Viderat Augustum, aut Solyma Solomona potentem;  
 In varias tua diffundunt praconi agentes :  
 Ergo tuum toto nomen celebretur in orbe,  
 Et memori te nulla dies unquam eximat avo :  
 Vitâ longavâ procedas auctus in ævum

( )

*Aceruum, patris hinc cum sceptro filiae omni,  
Virtutum exemplum accipiat tradatq; nepoti,  
Nec desit soboles, lucem dum Phæbus ab umbris  
Dividit obscuris, solio qua insidat aristo.*

MICHAEL VALLAS.



CAROLUS  
MAGNUS.

SIVE

ICON OPTIMI  
ET SERENISSIMI CAROLI,  
Britanniarum Galliae & Hiberniae  
Regis fidei Defensoris.

---

*Auctore* JOHANNES ROSA *Ecclesia*  
*Machlinensis pastore.*

---



---

EDINBURGI,  
Excudebat R. JUNIUS. 1633.




THE  
LIBRARY OF THE  
MUSEUM OF NATURAL HISTORY  
NEW YORK

THE  
LIBRARY OF THE  
MUSEUM OF NATURAL HISTORY  
NEW YORK

THE  
LIBRARY OF THE  
MUSEUM OF NATURAL HISTORY  
NEW YORK

THE  
LIBRARY OF THE  
MUSEUM OF NATURAL HISTORY  
NEW YORK



# AMPLISSIMIS DOMINIS

ET NOBILISSIMIS COMITIBUS

Patronis suis omni officio colendis D. GEORGIO

HAYO, Kinnoli Comiti, &c. Scotiæ Cancellario,

D. THOMÆ HAMILTONIO Hadin-

toniæ Comiti, &c. & D. GVILIELMO

ALEXANDRO Sterlini,

Comiti, &c.

JOHANNES ROSA S.P.D.



*Vm ex veterum more, & majorum insti-  
tuto, magna nomina & illustres honorum  
tituli, vix ipsis Caesaribus nisi comitiis  
centuriatis, & ex senatus consulto deferri  
consueverint; non abs re ego imi subsellis & privati  
judicii vir, cui nec comitia calandi, neq, in senatu  
sententiam dicendi jus est, vos, tria Purpurati ordinis  
nostriq, senatus lumina, tanquam Deos nixios mihi la-  
boranti, & qualemcunque hunc ingenii fatum eni-  
tenti propitios compellavi; ut meam de Caroli mag-  
ni virtutibus sententiam calculis vestris comprobantes,  
fidemq, meam, si cui vis momo sublesta forte videatur,  
auctoritate patricia fulciantes, me ab omni in-  
vidia morsu vindicetis, tantumq, Heroa pro suis me-  
ritis, quâ vobismet ipsis iter est, à virtutis ade ad sa-  
cro sanctum honoris templum rectâ deducatis. Et si  
quem*

THE EPISTLE

quam audaciter errorem hic errasse, & plus satis mihi arrogasse videar, quod cum Alexandri magni ora & externi corporis lineamenta uni tantum Lysippo fingere, uniuersum tantum Apelli pingere concederetur; ego tamen confidentior, ex tenui Musarum mearum myrothecio, jejuniſq; Apollinea artis pigmentis, ipsas Caroli magni virtutes internas, animi dotes adumbrare valuerim: sciant Zoili, licet plurima nobis poetis cum pictoribus fratribus nostris intercedat cognatio & affinitas, & juxta Simonidis melici vocem vulgatam ἡ ἑρπαιρία τοῖς ποίησι τοῖς εἰσι ποικίλα, ἢ δὲ τοῖς ποίησι ἑρπαιρία λαλῶσα, non tamen in omnibus usque quaque convenire, neque fictores aut pictores, paria cum mediocribus poetis industria sua præmia, parilemq; laudem unquam reportasse dicendum est. Nam & Alexander ille magnus, cum edicto cavisset,

-----Ne quis se præter Apellem

Pingeret, aut alius Lysippo duceret æra, &c.

Ignobilioreſq; omnes artifices despiciatui habuisset, tantum tamen ignobili Poetâ Charilo est oblectatus, ut incultos suos versus, & in laudes suas male natos, Philippis pluribus numismate regali compensaret.

Quid quod debiti officii, & obsequii ratio hic veniam impetrare, & merito consequi debeat? Cum enim ex veteris Philosophiæ sensu, amor omnibus aliis animi humani affectibus dominetur, & ex Theologia sententiâ, teste Augustino, non tantum desiderium, & gaudium, sed etiam metum, & dolorem ambitu suo complectatur; non potui ego in tantâ omnium regni ordinum letitiâ, tamq; emulanostratum vatuum gratulatione solus esse asymbolus: sed quamvis gravissimis districtus essem molestiis; & acutissimus ex Nephritide dolor, non tantum gaudium, & desideri-

Aug. de civit.  
Dei. lib. 14.  
cap. 7. & 9.

## DEDICATORIE.

*um interturbaret; verum etiam ex dolore incumbens  
metus, mali ipsius incrementum, & novissima quaque,  
portendere videretur; amor tamen, qui vincit omnia,  
& mea in Patria Parentem pietas, adeo dolorem dele-  
nivit, & metu abactò animum prius labantem susten-  
tavit, ut in summis cruciatibus, continuo mentis im-  
petu (absit dicto invidia) ad hocce officium raptus,  
non tam pangere quàm fundere, & potius memorare  
quàm meditari, hoc qualecunque carmen mihi vider-  
er. Quod utcunq; nullo fuco aut orationis lenocinio,  
ab hâc meâ festinandi licentiâ efflorescat, vos tamen  
equi boniq; arbitros, quo vobis datum & dicatum est  
animo, pro solenni vestrâ humanitate, & in hacce  
studia amore, equi bonique consulturos arbitror &  
confido; rogoq; impensius, ut hos conatus absolventes,  
Academiam Glasgvanam, aliam Phœæorum alum-  
norum nutricem & parentem, indies novis fœtibus  
sobolescentem, vestro patrociniotueri, & jugi favore  
complecti dignemini. Valete.*

Vestri honoris cliens omni

obsequio devinctus

JOHANNES ROSA.







## CAROLUS MAGNUS.

SIVE

Icon optimi & serenissimi CAROLI Britanniarum  
Gallia & Hibernia Regis fidei  
Defensoris, &c.

Pyramidum moles, eductaque marmora cœlo,  
Æraque in humanas mollescere visa figuras,  
Solertique animata manu; sic cana vetustas  
Solvit, ut immensi damnosis legibus ævi,  
Jam forum testata suum, informesque ruinas,  
Vix prisca opponant percuntia lemmata fama:  
At Charitum dones, magniq; capacia sensus  
Pectora, Praxiteles nullo quæ infigere saxo,  
Aut doctâ valeat fulvâ irradiare metallo,  
Arte Myron, cunctas sæcli transcendere metas  
Et fati memere vices; seu gratia cœli  
Proemia virtuti hæc solvat, sive enthea vatum  
Cura beet titulis meritos, famâque perenni  
Heroum sacris adscibat nomina fastis.

Qualia firma magis cunctis monumenta trophæis  
Carole magne tibi merito facramus, & altis  
Ingeniis aperimus iter, quo docta propago  
Aonio sacras deducens vertice divas  
Auspicio duxque meo, decurvat apertis  
Parnassi spatii, & facta tua amula famæ  
Posteritas mirata colat, memoresque minores  
Æternâ sæcli transmittant laude futuris.

Scilicet immenso tibi gloria nomine surgit,  
 Et *magni* cedit titulus melioribus ausis  
 Quam debellatis si terræ finibus, orbi  
 Eoo, Occiduoque simul, victricibus armis  
 Jura dares, populusque omais tibi seruiat uni.  
 Qualiter antractus Juvenis Pellæus in omnes  
 Protulit imperium, magnusque inclaruit actis,  
 Et meruit dici; licet hunc temulentia turpis,  
 Inque scelus præceps furor, & male suada libido  
 Tranversum rapuere, animi quo inglorius error,  
 Efferaque indomiti traxit pellacia luxus.

Sed tua sublimis nullâ signataque labe  
 Virtus, humanæ excedens fastigia fortis  
 Illustri merito, tam te meruisse, relicta  
 Quam sceptrâ accepisse probat; quæq; ordine longo  
 Innumeri heroes fatis invicta dederunt,  
 Miseruntque tuenda tibi, his nunc enthea virtus,  
 Ingeniique tui vis, & mage nobilis ardor  
 Te dignum prædunt, qui tantâque pondera rerum  
 Regnorumque graves unus modereris habenas,  
 Lance pari & libres, nam seu nos tristis Enyo  
 Ad sua signa vocet, iusta & Rhamnusia poenas  
 Hostibus intentans, ultrici exardeat ira,  
 Exitiumque parer, tu non indigna Britannis  
 Vota foves fatis; seu poscant publica pacis  
 Commoda, longævæ ut Themidi Astreæque severos  
 Imponas mores, tu longa condita nocte  
 Elicis è legum tenebris oracula veri,  
 Dogmata doctoresque doces, quæcunque vetustas  
 Occulit, & nostro Romana haud prodidit ævo:  
 Quæ *Fergusiade* privataque scita tulerunt,  
 Et debellatis quæ Danis fixerat Anglus,

Et quæ Normannus victor meliora rogavit,  
 Clausit & obscuris sapientia Neuftrica verbis,  
 Ingenio redimis solerti, & prodis in usus  
 Multi jugos, quando visum est privata tueri  
 Jura, sacros ritus, concessaque regibus olim  
 Præmia, & in seros cupiens transferre nepotes  
 Intemerata archiva patrum, tibi publica damnis  
 Est moles potior privis, moderamine & æquo  
 Ipse modum statuis votis, mulcesque rigorem,  
 Quæque jubere potes, vis impetrare rogando.

Atque etiam nostris quando indulgere querelis  
 Te pietas responsa jubet; non tristerigenti  
 Fronte manus humiles, & dedignare precantûm  
 Verba, nec abscessit placido quis tristis ab ore,  
 Alloquioquetuo, fluxam nec dissona factis  
 Verba habuere fidem, aut ulli damnosa fuere  
 Quæ dare supplicibus placuit responsa libellis:  
 Sic quascunque vices perfers, nec mole fatiscunt  
 Impositâ fortes humeri, nulloque remisso  
 Officio, variis dispertis tempora cæptis,  
 Ut valeas prodesse bonis, mentesque rebelles  
 Sub justis legum monitis mansuescere cogas.

At non jura soli tantum illibata tueris,  
 Humanæ aut pacis tantum tu provehis artes,  
 Sed majus meditaris opus, collapsaque pravis  
 Terrigenum vitiis, immensâ jussa Tonantis  
 Sustentas opere illustri: quæque igne corusco,  
 Terrificâque tubâ Sinæ exaudita verendis  
 Sunt pia scita jugis, promptus magno asseris usu,  
 Exemplo exequerisque bonus, faciendaque dictas,  
 Quæ facis ipse prior, solo ut te authore reducta  
 Diva Astræa polo, una cum probitate, fideque,  
 Invisant

Invisant iterum terras, melioraque præstant  
 Sæcula, quæ rigidi cedat vis lurida ferri,  
 Parcæque auratis deducant stamina pensis.

Jam non impuras divis adoleverit aras  
 Vana superstitio, ritusve aliunde prophanos  
 Advehat; illicitis numen venerataque sacris  
 Externo castos corrumpat crimine cultus;  
 Neve hinc audaci impietas bacchara furore  
 Augustos titulos, ter sanctaque nomina divæ  
 (Horrendum facinus) Triados, præscindere votis  
 Audeat infestis, aut allatrare maligno  
 Ore, & blasphemias in cælum tollere voces:  
 Hincque etiam festæ sacra in solennia luces,  
 Sabbatæque humanæ remeant solatia sortis,  
 Quæ summi placita alma Dei, cælique solique  
 Fædera, per sanctos memorentur cognita mystas,  
 Concelebrentque diem, populus, qui tanta reportet  
 Gaudia, solenni quoque choro, cætuque frequenti,  
 Exoraturis, miserato cardine, votis  
 Atria cælicolûm pandat, parremque benignam  
 In nato sancti inveniant, qui criminis omnes  
 Eluerit nostri maculas, Ereboque recluso  
 Regna triumphati spoliaverit horrida Ditis.

Ergo ignava procul nunc te auspice turba facessat,  
 Quæ variis longæ, dubiisque anfractibus errans  
 Tædia lenta viæ carpit, gravibusque periclis  
 Indulgens, tristes curas, cassumque laborem  
 Devorat, & terris toties jactata, marique  
 Per Scyllam, Syrtelque truces, & inhospita resqua  
 Inquirens falsos (mundi ô ludibria) divos;  
 Ut colat humanis saxa effigata figuris.

Utq; nullius vota opere, & grato ore, Britanni

Exolvunt



Exolvunt cœlo, & magni pia iussa Tonantis  
 Obsequio accelerant humiles, sic digna vicissim  
 Officia, alternisque humiles sibi mutua præstant  
 Commoda, quâ sospes legum reverentia crescat,  
 Majoresque colant meritâ cum laude minores,  
 Quâque odio succédât amor, deservâque cessent  
 Jurgia; & ultrieis deserveat impetus iræ;  
 Quâque tori illibatus honos, illæsaque persistent  
 Vincula, nec raptò vivant, furtivaque captent  
 Commoda congestis opibus; dirove lacescat  
 Vicini famam scelerata calumnia morfu;  
 Sollicitetve aliena animum malus ardor habendi.

O desiderium sæcli, cælique levamen  
 Indultum terris, O delicias & amorem  
 Humani generis! quali te laude Britannii  
 Et potiore beant, quam quondam sancta vetustas  
 Extulit Augustum solenni nomine Titum;  
 Ille quidem patriæque parens, meruitque vocari  
 Inviictum columen, paribus quando urbis & orbis  
 Protendit famam meritis, civesque benigni  
 Imperii bonitate fovens, fluxis que faventis  
 Ditavit fortunæ opibus, lapsamque priorum  
 Induperatorum vitis rem juvit & auxit.

At melior te cura trahit, mage dignaque magnis  
 Versas capta animis, terra que evanida cordi  
 Non tam regna sedent, quam Christi extendere fines  
 Imperii, sanctoque jugo submittere duræ  
 Cervicis populos satagis, ne ignava libido  
 Degener aut latus, perituraque gaudia sæcli.  
 Anxiâ, ne humanas oblimet copia mentes.

Hinc quâ se exereret tractus diffusa per omnes  
 Felix illa poli soboles, lumenque deorum

Enthea



Enthea relligio, immanes tu proteris ausus  
 Sacrilégi erroris, sanctis satagisque Levitis,  
 Presserat in duris quos nuper rebus egestas,  
 Ampla & ad aucta suæ concedere commoda sortis.

Maecte animiter magne heros, quodq; auspice cælo  
 Immensum moliris opus, perge omine fausto  
 Tandem emoliri, impietas ut victa faceffat,  
 Pristina divinis & constant præmia mystis:  
 Hoc spe ambit Clerus, populus votoque perenni,  
 Damnatus sacras divum hoc deposcit ad aras:  
 Sunt patris ætherei placita hæc, qui te auxit honore  
 Tergemino, triplicique caput diademate sacrum  
 Cinxit, ut alterno hunc tu dignareris honore  
 Authori tantæ laudis, laudemque referres.

Quare fausta tuæ sume hinc primordia famæ,  
 Hincque fluat rerum ordo tibi, hinc meliore lapillo  
 Venturosq; dies signa, & successibus auctus,  
 Prægrederere antiquæ sublimia nomina famæ:  
 Nam mihi si veri quidquam Cortina reclusit  
 Delphica, fatidica caluere & pectora flamma;  
 Præmia virtuti larga indulgentia cæli  
 Spondet magna tuæ, nisi tuque urgentibus obstes,  
 Fatisque officias ultro, imbellemque quietem  
 Grandibus anteferas cæptis, non alter habetur  
 Dignior, Eoum iustis qui legibus orbem  
 Temperet, & positas audax cui Turca tiaras  
 Lemniscosque suos submittat, quique labantis  
 Imperii occidui laxas modereris habenas.

Non igitur sanctos ritus, sacraque otia pacis  
 Promovisse sat est, sunt magna exempla sequenda,  
 Et meliora tibi, quæ nuper clara trophæis  
 Nomina, per dura adversæ discrimina sortis

Munivere

Munivere iter ad famam, temptisque periclis

Subjecere suis hostilia fœdera signis:

Qualiter angustis titulis Rex ille Suëcus

Belliger *Adolphus*, magnum omnipotentis olympi

Fulmen, in Austriacas Christo ductore phalanges

Ivit, & hostiles aquilas, Romanaque signa

Audaci fuditque manu, & victricibus armis

Christicolûm invisos hostes juga ferre coegit.

O fortem dignamque trucidis superare sepulchri

Lurida jura animam! ô mediis heroa triumphis

Ereptum terris! duri ô modo prælia Martis

Qui spirabat ovans, diræ en nunc pallida mortis

Præda jacet; sanctis modo qui solamen in arctis

Rebus erat, dolor idem & nunc est mæror amarus.

Non tamen huic nostro fas indulgere dolori,

Auspiciis quando melioribus, omina cedant

*Carole* Magne tuis nobis meliora novôque

Stamine fata trahant sua pensa, & tota recumbat

Spes nostra in te uno prius inclinata, ducemque

Magnanimum murasse, haud amisisse feramur.

Nempe annis tantûm minor es, majorque vocari

Fortunis animisque potes, si singula recte

Pendimus, & clarâ surgentis laude juventæ

Prima rudimenta, & si exulta insignibus ausis,

Omnimodâ & virtute tuæ primordia vitæ

Digerimus, tantis quis se ferre audeat actis

Æqualem, imo tuis cedat superata vetustas,

Magnaque in exemplis habeant tua facta nepotes.

Quippe prius teneræ quam ætatis amabilis ardor

Affulsitque genis, lanugo & vestit ora,

Tu varia & tunc vera dabis simulachra futuræ

D

Militiæ,

Militiæ, aduerso seu tecum ludere conto  
 Prælustis gestiret eques; moli mina dextræ  
 Ut sensit mage firma tuæ, validosque lacertos  
 Expertus, totâ fugitans cedebat arenâ,  
 Quam vincique dolet, tam te victore superbit.  
 Seu iuvit per celsa pedes juga tendere cursum,  
 Heroo incessu aut vallis superare reductæ  
 Planiciem, & dubiâ sese exercere palæstra,  
 Nunc hostemque fugans, nunc debellansq; fugacem,  
 Cominus & nunc ense petens, nuncq; eminus hasta;  
 Omnibus omnimodæ, tua palmam & præmia pugnæ,  
 Surripuit virtus; sicque alta sacraria famæ  
 Intrans, præluere aliis Mavorte benigno  
 Suevisti, & veterum Heroum prævertere laudes.

Non minus & Musis quam Marte exulta Juven-  
 Claruit, & primis sapientia crevit ab annis, (tus  
 Progressu nuncque aucta tuo est, qui cuncta senectæ  
 Socraticæ secreta tenes, & iussa sophorum,  
 Cecropiæque domus mandata, accommoda rebus.  
 Ad praxin revocas, vitans delira scholarum  
 Jurgia, multijugis commenta insulsaque rixis  
 Jactata, agnatamque novis sine pondere verbis  
 Barbariem, & falsi latebras, fraudesque, strophasque  
 Spinosas, nec enim tu tam prudentia quid sit  
 Vocibus anquiris, quam vitæ tramite recto,  
 Exemploque probas: non quot se partibus ornet  
 Justitia, humanos sed quantum accommoda ad usus,  
 Distribuendo aliis, & commutando vicissim  
 Nemo etenim te demeruit, quem non tua fovit  
 Gratia majori merito, & meliora rependens  
 Accepitis, memori semper dignatus amore es.

Atque

Atque tui haud clarum divina oracula lumen  
 Fugere ingenii, nec tantum humana referre  
 Gratia quid possit, quantum tibi caelica profit  
 Scire studes; anne hæc meritis sit congrua nostris,  
 An dispar? quænam sit dans? & quæ data gratis?  
 Quæque facit gratos, an libera nostra voluntas,  
 An servo arbitrio varii rapiamur ab æstu  
 Affectus; visisque bonis pejora sequamur.  
 Quæ cuncta ingenii mysteria clara patefunt  
 Vi perrupta tui, hinc merito te Ecclesia honore,  
 Salvo jure poli, decorat, dignumque parentem,  
 Supremumq; suum caput effert, regna Britannis  
 Quæ subjecta patent sceptris, tantum æmulus ardor  
 Mentis & alta potest evecta ad sidera virtus.

Ergo cum tantis animi & tot corporis auctum  
 Dotibus æthereus te ad capta ingentia rector  
 Instruat, indecoris ne obscura silentia vitæ,  
 Conatus foveasque leves, verum indolis altæ  
 Quæ tua mens, geniusque vocant, & vota piorum,  
 Impiger, evitans latebras ignobilis orti  
 Nunc Christi defende ratem, & jactantibus undis  
 Eripito maris adversi, salvamque salutis  
 Remigio tuto in tutum deducito portum:  
 Sicque tibi grato famulara Britannia cultu  
 Læta adspirabit, socias & martia dextras  
 Addicetque operam, ne quid tua vota retardet,  
 Optatisve infida obstat fortuna secundis:  
 Si tibi bellorum nervis, & divite gaza  
 Sitque opus Attalici in sumptus splendore paratus:  
 En quantis sese nunc nostra opulencia curis,  
 Ostentat gratata tibi, festamque favore



Divino hanc celebrent lucem proceres, populisque  
 Exultentque novis studiis, quia vertice aviti  
 Splendet honoris apex, solenni & cingeris auro,  
 Et lapidum variâ radianti luce corona.  
 Teque ut demeruisse queant, en murice & ostro  
 Pars fulget Tyrio, parsque aurea stamina textis  
 Et miscet fila auratis, neque vellera Seres  
 Vestra placent, fulvo nisi sint radiata metallo,  
 Argenti aut lamnis candescant; hincque profundū  
 Inquirunt etiam spolia, & telluris in imo  
 Abscondit quodcunque sinu natura, sagaci  
 Explorant oculo, vario ut decorata colore  
 Velamenta Indis niteant pretiosa lapillis.  
 Et vario certant luxu; viret ille smaragdis;  
 Hic hiacynthe tuo melius splendore refulget,  
 Pellucet aliique adamante, & Jaspide, clarum  
 Surripiuntque diem, perstrictaque lumina tanto  
 Lumine, Phœbeos vix cernunt luminis ignes.  
 Sed minimum natura potest, operosior artis  
 Gratia dat meritum majus, doctâque refulget  
 Vermiculata manu melius, virgataque vestis  
 Quam picturatis Memphis mille figuris  
 Aut distinxit acus Babylonica; Testis *Edina*  
 Inclyta *Edina* tuis proavis quæ regibus olim  
 Mansurosque lares, celebri fixitque perenne  
 Justitiæ solium, doctis sedesque Camænis;  
 Quæ nunc lapsa polo, Divum interpretæque futuram  
 Fatorum seriem, melioris & omina vitæ  
 Augurio pandit fausto, lætataque cunctis  
 Accingit se officiis, & splendida cultu  
 Luxuriansque suo, adventus ut gaudia festa

Accelerare



Accelerare tui queat, en regalis & auri  
 Pondere te numeroque invitat, commoda sæcli  
 Aurea venturi signans, deductaque Parcis  
 Stamina propitiis, tanto auspice ut omnia cedant  
 Sintque tibi merito cæura, solique salique,  
 Munera pro votis, queis largo copia cornu  
 Divitiæque fluant tibi, pro votisque tuorum  
 Hostibus exitium aut cæsis, probrumve fugatis  
 Intentes, duro donec vigilique labore  
 Gens exosa polo pereat, Christoque rebellis.  
 Quod si forte tibi cordato in milite virtus  
 Quæritur, & rebus Mavortia nata gerendis  
 Pectora, quæ in partem laudis sociique laboris  
 Succedantque tuæ famæ, queis læta Britannis  
 Adveniat ducibus volucris victoria castris;  
 En tale obsequium spondent, precibusque litatis  
 Relligione sacri, se obstringunt Scorus & Anglus  
 Certatim voti, & qui nunc juga fortis Hybernus  
 Tandem nostra tulit; tua se objurantque vicissim  
 Castra secuturos, & classica sive per Istrum  
 Seu Tybrim mediteris iter, quocunque sub axe  
 Bella geras, Turcæ seu tu crescentia lunæ  
 Signaque debelles victrici Otomanica dextra:  
 Seu capitolino fuso patre, victor ovanisque  
 Demergas fictos Tyberino in gurgite divos.  
 Qualiter Austriaci rex debellator Adolphus  
 Imperii, doctis sine Scoto milite fastis  
 Nil unquam dignum gessit, scit Sarmatis ora  
 Decolor, hostili & fœdata cruore, Britannum  
 Fortia facta ducum; scitque inclyta Lypfica tellus,  
 Terraque Vindelicos nunquam tacitura triumphos:

( )

Et dubiis conferta vadis, confertaque sylvis  
Proelia, & arboreis tabo squalentia ramis  
Membra nigro, truncosque artus; non profuit hosti  
Munitis hæsisse locis, non aggere septi  
Aut vallo tuti fuerant, tormentaue Martis  
Ignea non properâ poterant prævertere planta.

Ergo tuis fatis indulge, exemplaue mentem (tem  
Magna trahant, firmentque tuam, remq; hisce laban-  
Auxiliis fulci, & magni succede *Swæci*  
Heros herois titulis, primusque capeffe  
Militiæ tantæ imperium, namque ista potestas  
Impatiens consortis erit, quæ pluribus æquo  
Cedere jure nequit, studiis jactara, odiisque  
Privumque antefereus communibus utile damnis.

O quo me afflatu Cyrrhæ sacra numina raptent,  
Quove ferant animi audacem, impulsusque furore.  
Quando paludatum, parmamque & cassida gemmis  
Splendidum Hydaspæis te cernam, voce, manuque  
Munia adimplentem Ducis omnia, cumque canoras  
Tu medias interque tubas, interque calentes  
Cæde acies, hæc jussa tuis, mandataque reddes:  
Obruite, & ferro mactare, evertite flamma  
Fædis fragos Christi que hostes, fundamine ab imo  
Destruite, & divina quibus non gratia tanti est,  
Perdite pro meritis: non pax datur ulla prophanis:  
O utinam tali videam cum diriget almus  
Phœbus luce diem, & cum Glasgva juncta manipulis  
Accedat pars dignatuis, cum nobilis urbes  
Inter Scotigenas, audacis Glasgva Martis,  
Dulcis & artis amor, fuerit tibi fida laborum  
Usque comes, magni quocunque potentia fati.

Tc

( )

Te ducet ; cumque ipse tuas discrimine in omni  
Usque sequar lauros, dubii cupidusque pericli  
Quo menti cognatus honos, & fama vocabunt  
Assecla adjungar; cum sacro & percitus œstro  
Et faciam, & tua facta canam, famæq; superbis  
Curribus, emeritâ magni per moenia mundi  
Perpetuâque veham ventura in sæcula laude.

JOANNES ROSA.



## CARMEN PANEGRICUM.

**H**ærentem nuper, majoraq; viribus ausum,  
 Atq; per umbrosos metuentem vadere lucos  
 Ducite Pegasides Phæbaâ Lampade musa  
 Interiora mea pellentes nubila mentis.  
 Ut ferar insolitis pennis, atq; alite venâ  
 Templâ super mundi, bifidi super avia Montis  
 Culmina Parnassi, nec non Heliconis amœni  
 Difficiles aditus, & celsa cacumina Pindi.  
 Vnde fluunt studii prælustria præmia nostri,  
 Ingenio monstrante viam, trans ætheris oras  
 Purpureas, nivei quas cingunt atria cæli.  
 Hac carpenda via est nullis adeunda, nisi illis  
 Qui magnos animos ingenti pectore versant  
 Otia quærentes, & propter flumina viva  
 Vocales potant latices, dubiisq; recludunt  
 Cortinam monitis, doctiq; sacraria Phæbi.  
 Ut digni fiant hederis, & imagine macrâ.  
 Hocq; manet vates præsentis temporis omnes,  
 Qui divina sua componant carmina Musa,  
 Carmina perpetuis sculpi dignissima cedris.  
 Discedat procul hinc qui se non proluit amne  
 Castalio, meruitq; novam decerpere laurum.  
 Tantæ molis crit grandi celebrare Cothurno  
 Illustres titulos, florentia Stemmata, nullis  
 Intemerata modis, expectatosq; triumphos,  
 Victricem pompam, gemmantia sceptrâ, tiamam

Fulgen.

( )  
Fulgentem, diadema triplex, insignia regis.  
Quo nil in terris majus meliusve videtur.  
Quem populus, proceres, lex & natura, Deusq;  
Imponunt magni solio genitoris avito.  
Imperii qui frena premat generosa Britanni,  
Astra aemq; vagam deducat vertice caeli.  
Quam pietas, pax, cana fides, bona copia cornu  
Concomitantur, uti miseris mortalibus aevi  
Oppressis vitio Saturnia secula reducat.  
Felix illa dies fastos memoranda per omnes.  
Qua redit orbis amor, proavorum gloria, nostra  
Spes patria, columenq; decus, dominusq; paterq;  
Primaq; cura poli, paret cui limpidus aer,  
Dadala cui tellus cedit, cui marmora ponti  
Rident, cui liquidis vastus nitet ignibus aether,  
Cuiq; serenati gratatur Machina mundi.  
Adventum Rex magne tuum testantia faustis  
Omnibus, plausu lato, pompâq; frequenti.  
Non est quod memorem convelli sedibus urbes  
Mœnia, tecta, domos, communia templa relinqui:  
Scotia quæ vernat roseis convallibus aqua.  
Nonne vides populos lambunt quos ultima Thules  
Littora, quiq; colunt antiqui tesqua Gatheli  
Pectora nata gelu, penitis hausisse medullis  
Vitales jubaris radios mage luce serenos.  
Quo regalis apex, majestas est hea, vultus  
Calicus ille tuus, residens in pectore virtus,  
Mentis inaccessa culmen sublimius astris,  
Affulgent cæcis diffuso lumine terras.  
Qualis enim fuscus septemplex accola Nili  
Supplicat, ut cernit nascentis lumina solis,  
Inq; creaturâ quarit, qui cuncta creavit



Secula & atthereis orientia signa manipulis:  
 Talis Scotus orans, (quampriimum fulserat axe  
 Arctoo, sociis qui nos determinat Anglis  
 En nova lux, sol ille novus, qui pallida fecit  
 Astrapolo, referans argentea limina cæli)  
 Obstupet, & pronus veneratur nomina Regis  
 Clara sui, patrium præfens & numen adorat;  
 Scilicet aterni genitoris imagine captus.  
 Namque Dei vivum veri simulamen adimplet.  
 O decus heroum, divorum sanguis, & ingens  
 Depositum cæli, mundi melioris origo!  
 O quàm te cupidi tandem post fervida vota  
 Certamus passim teneris amplectier ulnis!  
 Nedum oculis, animisque simul gestare volentes.  
 Haud aliter quàm cum Romana potentia terris  
 Præluxit quondam, perituri culmen honoris  
 Conscendens, memoris posuit monumenta trophæi  
 Multa suis ducibus, lauros texendo corollis:  
 Sic modo læta virum gens ardua, & amula cælo  
 Scotigenæ tibi templa novant, tibi munere magno  
 Accurrunt, statuamq; locant, capitiq; coronam  
 Annectunt sacro, per mille volumina rerum  
 Servatam contra crudelia Caesaris arma,  
 Victorumq; manus, & Brittonis asperatela,  
 Saxonis & turmas, nec non molimina Cimbri.  
 Ut licet Assyrius genomus, & thura Sabæus,  
 Indus ebur vitidum, mollis Campania Bacchum,  
 Aurifluumq; Tagum mittat ventosus Iberus,  
 Anglus opes jactet dices oriente petitas,  
 Quæq; Caledoniis adjungitur Insula regnis  
 Admiranda sua pandat miracula gentis,  
 Inferiora tuis meritis dant munera. Sed nos

Qua tibi sceptrâ damus longè antiquissima, famam  
 Invidiamque omnem superant, & vulnera dira  
 Fortuna instabilis, nulloque coercita fato  
 Mox bis dena suis includent secula fastis :  
 Nec tamen humano peragi res ista paratu  
 Mortalique manu potuit. Deus O Deus ille  
 Iustitiaque parens, bonitatis fons, & origo  
 Imperii, charum dio cumularit honore  
 Te, statuens regem post tot labentia Lustra.  
 Quot neque Chaldaeus, Medus, Perses, Macedove  
 Romanusve queant numerare. Perennis at una  
 Scotia stat, multum caelesti robore fulta.  
 Qua renovat vires, ut te florente iuventâ  
 Spectet : non secus ac magni Iovis armiger ales  
 Fontibus abluerit pondus deforme senectæ,  
 Quoniteat prisca juvenilis gratia forma. (quam,  
 Dic mihi quisquis ades, num Scotia pulchrior un-  
 Latior aut potior ? Superi dum plena favoris  
 Gaudia suppeditant totis currentia rivis :  
 Latitiaque modum nescit prasaga futuri  
 Mens hominum, cunctosque ciens reparata voluptas  
 Gestit & exultant tacitis praeordia votis.  
 Mulcet enim tristes animos, victosque dolore  
 Numinis auratus ; cuius fulgore beatam  
 Collustras patriam, saxo præclara tuorum.  
 Qui simul ac nostros voluisti invisere fines  
 Lucidiora polo candentia sidera fulgent.  
 Saturnusque senex, invictus Iupiter, anceps  
 Mars, rutilans Rhabus, formosa Venus, vaser Hermes,  
 Et Phæbe nocturna licet pulcherrima, raras  
 Influxus spirant adspectus conscia Tanti.  
 Quo renitet tellus vario vestita colore.

Dum modo gramineis profert violaria campis,  
 Et modo turgentes maturat collibus uvas,  
 Et modo condecorat redolentes floribus hortos,  
 Agricolisque parat fœsis cercialia dona.  
 Sic quæ conticuit glacialis frigore Bruma  
 Integrat in sylvis carmen Philomela comatis,  
 Sic & Alauda ferit lepidis accentibus Æthram,  
 Sic Veneris pulli miscent repetita columba  
 Basia: Sicque rotat caudam Iunonius ales.  
 Imbelles agni ludunt, hædique petulci,  
 Frondibus insultant; storvæ pro conjuge Taurus  
 Ardens bella gerit: spatiis lasciivit apertis  
 Debellator equus. mirum! spelæa profunda  
 Erumpunt, rabida tigres posuere furorem,  
 Gryphes hyperborei, cristati colla dracones,  
 Terribiles ursi, fulvæ cervice Leona  
 Mansuescunt. Rex ipse Leo dominusque ferarum  
 Te regem agnoscit. Cujus clementia sola  
 Maxima dos regum, virtus contermina cælo,  
 Immanes potis est Gothosque, Scythasque feroces,  
 Thrakas Bosphoreos, immansuetosque Cyclopos.  
 Flectere, & in lenem rationis ducere Gyrum.  
 Felix ille parens, qui te securus Olympum  
 Succedente petit: Quam gaudet ab æthere summo  
 Despectans sobolem vestigia nota prementem.  
 O nos felices tanto sub principe natos  
 Heroo! qui sceptræ regis moderamine firmo,  
 Fatidicæ Themidis sanctissima jura ministrans,  
 Bellonam rigidam compescens pace serenâ,  
 Seceßus gratos reddens ac otia Musis:  
 Magna quidem sunt hæc, sed adhuc majora dedisti  
 Argumenta tuæ laudis. Babylona superba m.

Fulminei

( )

*Fulminei frangis sceptri gravitate, Sionis  
Mœnia restauras, Solymæ populataque tecta  
Sacrilegum concussa diu furialibus ausis  
Ædificas, larga præbendo munera dextra.  
Pro quibus affluxit vatum chorus omnis in unum  
Defixus temet, præstanti pectore carmen  
Condit, quod nullum consumat temporis ævum.  
Cantat io civis, sexus vacat omnis & ordo  
Latitia, festis complendo cuncta choreis,  
Ante triumphales currus Ecclesia mater  
Sternitur, atque tuo titulos superaddit honori:  
Defensor fidei, vera pietatis alumne  
Religionis apex, Rex Carole maxime, regum  
Christicolum phœnix, solis Dis proxime salve.*

NINIANUS CAMPBELLUS.

---

Huc

---




**H**Uc post vota preces & tædiâ tanta tuorum  
 Hospes Scotigenis *Carole* gratus ades;  
 Anglorum primus tu rex divinus avita  
 Scotorum læto pectore sceptrâ subis:  
 Quod Mars non Anglis potuit nec longa vetustas  
 Hoc sine cæde uni fata dedere tibi  
 Scotorum Clerus, proceres, veneranda Senatus  
 Turba, chorus juvenum, læta caterva senum:  
 Inviictum diadema patrum per sæcula longa  
 Imponunt capiti (fausta precata) tuo.  
 Numinis irati nuper quæ signa dederunt,  
 Nunc renovant vultum cuncta elementa suum:  
 Fit placidum coelum, aer lenis, florida tellus,  
 Et Theris inliquidis cærule saltat aquis:  
 Nos grato aspiciunt rutilantia sydera vultu,  
 Læta canit modulos & philomela suos;  
 Subsidunt venti, saliant in marmore pisces,  
 Fronde nemus, fructu & gramine terra viret,  
 Te veniente nova hæc facies lætissima mundi  
 Cuncta refert patriæ dona redisse tuæ.  
 A natis nudata suis Ecclesia mæsta,  
 Læta sit auxilio rursus amicta tuo.  
 Publica pressa malis res, & tot læsa ruinis  
 A te habeat morbis pharmaca digna suis;  
 In te uno multis divisa Britannia sæclis  
 Juncta, olim innumeris dilacerata malis.  
 Roma dolet regem & tot regna unita, timetque  
 E xitii ducete fata suprema sui;  
 Romani semper crescat mage causa doloris,  
 Dum tibi sit regni sedula cura tui.



Eurus opes, offert Boreas venabula, ludos,  
 Et tibi delicias pandit *Edina* suas,  
 Primitias veri tibi nos sacramus amoris,  
 Sertaque pieriis hæc redimita rosis,  
 Hoc donum Occasus, non quod terra Indica jactat,  
 Sed quod sincero *Glasgow* corde refert,  
 Majorum hic summâ fundata Academia cura  
 Floreat auspiciis *Carole* magne tuis,  
 Apponas operi bene capto robora dextræ  
 Munificæ, & nostrum te duce surgat opus;  
 Doctrina hic crescat, vigeat studiosa juvenus,  
 Reddantur doctis præmia digna viris :  
 Quæ desunt nobis, nostra & quæ curta supellex  
 Denegat, auxilio sunt reparanda tuo.  
*Glotta* canet laudes, tua munera *Glasgow*, *Pallas*  
 Et benefacta choro tollet ad astra suo.  
 Turba rogata tuum nomen dum terra manebit  
 Laudabit, meritis tot decorata tuis,  
 Faustus eas redeasque tuis, Dei ovile triumphet,  
 Lugeat adventum turba prophana tuum.  
 Scotia te natale solum gens prisca per ævum  
 Laudet & adventus sit memor usque tui.  
 Numina grata tibi longa & felicia præstent  
 Stamina, Nestoreos quæ superentque dies,  
 In miseram dum regna ruunt contermina cladem,  
 Pace Dei, auspiciis sunt tua tuta tuis.  
 Illustrat mundum rutilo dum lumine Phoebus  
 Hæc tua progenies inclyta regna regat !  
 In te Roma ruat, fremat acris Iberia, fidus  
 Te leo, te citharæ, lilia, pardus amet,

PATRICK HAMILTONUS.



**H**Uc post vota preces & tædia tanta tuorum  
 Hospes Scotigenis *Carole* gratus ades;  
 Anglorum primus tu rex divinus avita  
 Scotorum læto pectore scepra subis:  
 Quod Mars non Anglis potuit nec longa vetustas  
 Hoc sine cæde uni fata dedere tibi  
 Scotorum Clerus, proceres, veneranda Senatus  
 Turba, chorus juvenum, læta caterva fenum:  
 Invictum diadema patrum per sæcula longa  
 Imponunt capiti (fausta precata) tuo.  
 Numinis irati nuper quæ signa dederunt,  
 Nunc renovant vultum cuncta elementa suum:  
 Fit placidum cœlum, aer lenis, florida tellus,  
 Et Thetis inliquidis cæcula saltat aquis:  
 Nos grato aspiciunt rutilantia sydera vultu,  
 Læta canit modulos & philomela suos;  
 Subsidunt venti, saliunt in marmore pisces,  
 Fronde nemus, fructu & gramine terra viret,  
 Te veniente nova hæc facies lætissima mundi  
 Cuncta refert patriæ dona redisse tuæ.  
 Anatis nudata suis Ecclesia mæsta,  
 Læta sit auxilio rursus amicta tuo.  
 Publica pressa malis res, & tot læsa ruinis  
 A te habeat morbis pharmaca digna suis;  
 In te uno multis divisa Britannia sæclis  
 Juncta, olim innumeris dilacerata malis.  
 Roma dolet regem & tot regna unita, timetque  
 E xitii duce te fata suprema sui;  
 Romani semper crescat mage causa doloris,  
 Dum tibi sit regni sedula cura tui.

Eurus

Eurus opes, offert Boreas venabula, ludos,  
 Et tibi delicias pandit *Edina* suas,  
 Primitias veri tibi nos sacramus amoris,  
 Sertaque pieriis hæc redimita rosis,  
 Hoc donum Occasus, non quod terra Indica jactat,  
 Sed quod sincero *Glasgwa* corde refert,  
 Majorum hic summâ fundata Academia cura  
 Floreat auspiciis *Carole* magne tuis,  
 Apponas operi bene capto robora dextra  
 Munificæ, & nostrum te duce surgat opus;  
 Doctrina hic crescat, vigeat studiosa juvenus,  
 Reddantur doctis præmia digna viris :  
 Quæ desunt nobis, nostra & quæ curta supellex  
 Denegat, auxilio sunt reparanda tuo.  
*Glotta* canet laudes, tua munera *Glasgwa*, Pallas  
 Et benefacta choro tollet ad astra suo.  
 Turba rogata tuum nomen dum terra manebit  
 Laudabit, meritis tot decorata tuis,  
 Faustus eas redeasque tuis, Dei ovile triumphet,  
 Lugeat adventum turba prophana tuum.  
 Scotia te natale solum gens prisca per ævum  
 Laudet & adventus sit memor usque tui.  
 Numina grata tibi longa & felicia præstent  
 Stamina, Nestoreos quæ superentque dies,  
 In miseram dum regna ruunt contermina cladem,  
 Pace Dei, auspiciis sunt tua tuta tuis.  
 Illustrat mundum rutilo dum lumine Phœbus  
 Hæc tua progenies inclyta regna regat !  
 In te Roma ruat, fremat acris Iberia, fidus  
 Te leio, te citharæ, lilia, pardus amet,

PATRICKI HAMILTONI.



**M**Ultum limato Princeps dignissime versu  
 Cui Phæbus nova dona parat, cui ferta Camænæ  
 Floribus intexunt, aeterno vere rubentes  
 Quos & Cyrrhasacrâ nutrit Permessis & unda:  
 Tulicet ipse auro gemmisq; insignis Eois  
 Inter honoratos proceres & sydera regni  
 Advenias, qualis micat inter luminacæli  
 Aureus, illustratq; suâ sol lampade mundum:  
 Te licet & decorent triplicis diademata regni,  
 Et genus à Regum tot avorum sanguine ducas:  
 Munera Pieridum, tamen haud tibi vilia sunt  
 Pieridum gratas testantia munera mentes  
 Quæ decorant Reges; simul & decorantur ab illis,  
 Dum faciunt Reges cantanda, canuntq; camenæ  
 Excelsa heroum gesta & clarissima Regum.  
 Dux astans tumulo magni pellens Achillis  
 Fælicem nimium fortunatumq; ferebat  
 Carmine Mæonides, quem decantaverat ingens.  
 Talis & Ausoniis erat olim Cæsar in oris,  
 Altera cui calamum tenuit manus altera telum,  
 Et clarus belli studius imbellis & otii.  
 Et tibi talis erat genitor clarissime Regum  
 Cujus docta manus certabat vincere lingua,  
 Inq; vicem claris gestis manus emula linguam,  
 Ambiguum factis fueritve potentior ore:  
 Ut nulli vixit gestorum laude secundus,  
 Mellea sic nulli cessit facundia Regis,  
 Nectareo quoties hausserunt flumina ab ore

Purpurei

Purpurei procures regni, sanctusq; Senatus :  
 Sive soluta, modis seu prompsit verba ligatis,  
 Eloquii potuit vel vincere Nestora dono,  
 Carmine vel docta numeros aquare Thalia:  
 Ille hederae sceptro junxit, laurumq; tiara,  
 Et dubium an major fuerit Rex an Poeta,  
 Tanto patre satus, tu sceptrum Britannica torques,  
 Qui laudem nato potuit virtute mereri,  
 Ad laudem meritis nisi tu nullius egeres,  
 Ipse sed aeternam generi transmittere solus  
 Mille quae splendore tuo per secula famam.  
 Tuq; adeo jam nunc o magni vera parentis  
 Et viva effigies, defuncti & imago superstes,  
 Regnorumq; trium patria virtutis & haeres,  
 Transfusas referens regali in pectore dotes,  
 Carle securigeris exoptatissime Scotis  
 Gratus ades decima tandem trietere lapsa :  
 Atque olim quantum te decedente dolebat,  
 Iam viso tantum te gaudet Scotia nutrix,  
 Qua proavis famulata tuis tibi cultior exit  
 Consuetudo occurrens, & sedibus obvia motis  
 Excipit, ac tensis videntem amplectitur ulnis.  
 Adveniente suo minus exultavit alumno,  
 Insula dicta cunctis celeberrima Regis;  
 Conspecto tantum neque gestit Apolline Delos,  
 Nec Paphos est visa tantum gavisae Dione,  
 Aut nemus Idalium, vel culmina celsa Cytheron,  
 Aera gemmatas dea quam pulcherrima bigis  
 Tranat, anhelantes propiusq; admovit olores :  
 Mille decerrantes circumfunduntur amores,



Et lati hinc illinc ludunt plaudentibus alis.  
 Gens est, ut perhibent gelido subjecta Boota,  
 Quam totis sex atra premit vox mensibus anni;  
 Ut caligantes terram obduxere tenebra,  
 Horret triste solum, squalent & frigore campi,  
 Et glacie rigidis pisces frenantur in undis.  
 Sed tristes ubi primum umbras aurora removit,  
 Et spectata diu, reparans dispendia longa  
 Noctis, & alma diem spatiis lux reddidit aquis:  
 Extulit & rosei Titan jubar aureus oris,  
 Quam potuit cultus gens tota induta nitentes  
 Aerios scandunt excelsa cacumina montes,  
 Claraque spectantes orientis lumina Phœbi,  
 A quo cuncta novum ducunt vegetata vigorem,  
 Latitia testes jaçant ad sidera voces,  
 Ingentiq; alacres effundunt gaudia plausu.  
 Sic & subductote, Maxime Carole, nobis,  
 Oppressit mæstos piceo nox invida nimbo,  
 Sextaque jam longis decurrit Olympias annis,  
 Atque inamena soli facies, inamena locorum est  
 Luridaq; & squalent inculta civibus urbes,  
 Mæret ager, damnant ignavi rura coloni,  
 Non canit in sylvis volucris; non piscis in undis;  
 Nec pecus in pratis lascivum ludere gestit;  
 Dilecta Corydon non cantat Phyllidis ignes,  
 Dulce nec argutâ modulatur arundine carmen:  
 Pan Deus Arcadia veteres remearvit ad oras,  
 Et Delum aut Cynthum Pataramve invisit Apollo:  
 Et procul à nobis aliâ regione remotas  
 Parnassiq; tenent Musas juga vel juga Pindi,  
 Carmina nec diva dicant, velut ante solebant.

Verum.

Verum ubi non fictis implet rumoribus aures  
 Fama tui adventus, hominum dispersa per ora,  
 Mutata est rerum facies, mutatur & anni,  
 Et cali renovatur honos, & gloria ruris.  
 Natura omniparens, elementa per omnia fundens  
 Latitiae documenta, tibi gratatur eunti.  
 Prior arridet depulsis nubibus aer.  
 Mille tibi volucres concentibus aethera mulcent.  
 Ipsa parens tellus solito formosior ora  
 Erigit, & virides renovata ostentat amictus:  
 Ridet mille novis variata coloribus arva,  
 Et tibi ver sudat, multum tibi Flora laborat,  
 Naiades atque vaga Driades per gramina ludunt,  
 Montibus exercent choreas & Oreades altis,  
 Et Satyri exultant, & rustica numina Fauni,  
 Nec non alma Pales, nec non pater Arcadiae Pan.  
 Parva loquor, rigidae motantque cacumina quercus,  
 Celsaq; concutiunt intonsi culmina montes,  
 Et pariter sylvaq; fera, rupesq; fragosa,  
 Saxaq; convallesq; sonos ad sidera mittunt,  
 Montibus inque cavis secreta reciprocant Echo.  
 Quin & Parrhasia Phæbus vicinior urse  
 Admovit propius radiati lumina vultus,  
 Et solito Eois caput exerit ocyus undis,  
 Tardius hesperio demergit & æquore currus,  
 Te comitesque tuos, spectacula vestraque latus  
 Cernere; nec longo satiantur lumina visu.  
 Quà gressus fers, alma Ceres Bacchusque sequuntur,  
 Divite deque penu famulantes dona ministrant,  
 Iam tibi Tueda simul, simul Esca, & maxima Forthæ  
 Flumina nativas submitunt leniter undas.

Quà transis, gressus Nympha venerantur euntis,  
 Et decemata pedum vestigia lambere gaudent.  
 Purpureis ripa ridentes floribus halant,  
 Et nitida fulvis gemma advolvuntur arenis,  
 Furius extremis queis nil dedit Indus ab oris.

Iam novus & villis redit & nitor arcibus altis,  
 Cumq; suis passim splendent oppida templis.  
 Epagis villisq; ruunt, equè urbibus una  
 Effusiq; viri & matres pueri atq; puella  
 Ardentes propius se ferre, avidiq; tueri  
 Sydereos oculorum orbis, lumenq; serenum  
 Frontis honorati, & creperi spirantia belli  
 Ora verenda notas, placidamq; gerentia pacem,  
 Aspectuq; novo gaudent turmaque tribusq;  
 Omnibus à sacro manant solatia vultu.

Quis steriles annos elapsi computet avi?  
 Natalis lux nostra fuit quum redditus ora  
 Carolus est patria, primos nox obruit annos:  
 Perstet Erythraeis lux hac signata lapillis  
 Et vigeat famam nomenq; habitura perenne.  
 Aurea jam cælo decurrent secula benigno:  
 Auspiciis, Rex magne, tuis felicia ducent  
 Vellere de niveo latantes stamina parca.

Quid mirum si jam pariter Marcotica rancos  
 Edant sinistra sonos, & si Berecynthia clangant  
 Cymbala, templorumque in turribus ara resultent,  
 Terribilesque vomant Brontæa tonantia flammæ,  
 Æthereosque ignes sonitusque imitantia cæli?  
 Æreaque assensu crepitent si cornua rauco,  
 Omnia tam festa testantia gaudia pompa.

Iam Pateram & Delon Cynthumque reliquit Apollo  
 Ille

Ille Caledoniis jam gaudet adesse Britannis,  
 Parnassi Musa fugiunt & culmina Pindi,  
 Iam placet Aoniis ante omnia Scotia divis,  
 Arthuri sedes Helicon, Parnassus in urbe  
 Edina est media; Scotis dum Carolus adsit,  
 Carmine nec nobis certaverit Italus ora,  
 Magnorum celebris neque Mater Gallia vatam,  
 Docta nec heu sevis ardens Germania bellis,  
 Alma Camanarum, neque nutrix Belgica tellus.  
 Ingeniosi quid, si quid defecerit arti,  
 In nos regis amor pensabit noster in illum,  
 Ille dabit vires, animosque canentibus aptos,  
 Ille & Pirenen & sufficit Hippocrenen.

Glottiades igitur musa Forthæque Taique  
 Quæ colitis ripas, quæ littora clara vel urbes  
 Grampiacas, vestro date vectigalia Regi  
 Carmina: Phæbæa cingentes tempora lauro,  
 Fergusi claro deductum à sanguine numen  
 Centum per proavos, & septem ex ordine Reges.  
 Tollite Magnanimum super aurea sydera Cærlum,  
 Alsacothurnati dicant præconia vates  
 Quales Smyrna tulit, vel fovit Mantua quondam,  
 Vel qualis nostri generis lectissima Siren  
 Agrius, heroum laudes cantare peritus,  
 Et latè ingentes Regum vulgare triumphos:  
 Ille etiam ardentes cæli transcenderat axes,  
 Acer & athereas animo penetravit in arces,  
 Igneaque aurati distinxit sydera mundi  
 Præpetis ingenii talaribus ætus in altum. (Musa?)  
 Quid primum, quid deinde canat, quid denique  
 Ut tot regna patrum, sceptræ & diademata avorum

Mistam

Mittam, qua stolidi perstringunt lumina vulgi,  
 Quaeque animi tantum praeclunt aurea dona,  
 Quantum corpus hebes superat vis entheamentis,  
 Ver hiemem, cacas lampas Phæbea tenebras.  
 Conspiciam augusto virtutum in pectore gazam  
 Indulsi naturae tibi, flos Carole Regum,  
 Et studia, & dignos efformans principe mores,  
 Ut sortem meritis, & vincas dotibus annos,  
 Illic incipiens aliis ubi meta suprema est,  
 Metam prateriens, quam non adiere priores,  
 Tangere nec poterint ventura etate nepotes.  
 Hos veneranda fides, illos constantia morum,  
 Temperies multos, animi prudentia quosdam,  
 Iustitiamq; alios exexit gloria famam:  
 Sunt pacis studiis, sunt qui meruere duelli  
 Laudibus insignem ventura in sacula palmam.  
 Sed tibi virtutum chorus uni militat omnis.  
 Omnes inq; tuo posuerunt pectore sedem:  
 Quaeq; seorsum aliis adsunt, tibi cuncta benignus  
 Rerum opifex externa, interna, aeternaque donat:  
 Inque tuas junctim conspirant omnia laudes.  
 Ter felix tanto Scot-Anglo-Britannia Rege,  
 Seq; tuo jactat Scot-Anglo-Britannia sceptro.  
 Cujus amor totum patria se impendere, natum  
 Nutritumq; bono patria se credere totum.  
 At non pacis obis tu felix muniat artum  
 Sed tibi fulminis manus est animusq; Gradiui,  
 Alitis altius equi spumantibus oralupatis  
 Quum domitas, auroq; Regis fulgentia lora,  
 Terra tremit, sonipes generoso pondere anhelus

Gessit.



Gestis, & obstantes discescit flatibus Euros :  
 Egale à crista surgunt fulgente comantes,  
 Cingitur ense latus, quem nemo impunè laceffet.  
 Talis in arma Hector, talis tendebat Achilles,  
 Extremum penetrans & victor Bacchus Eoum,  
 Aut Mars magnanimus, metuendaque Gorgone Pallas.  
 Quumque tuis insint tot bellica pectora regnis,  
 Imperio, magnisque tuis parentia iussis,  
 Eia age mille rates instructas milite, ponto  
 Immitte Hadriaco, canescant carula spumis :  
 Equor & auratis subjectum fulgeat armis,  
 Et Turcas quate Marte feros, Byzantia telis  
 Procumbant vexilla tuis, Mahumetus & hostis  
 Erectum metuens animosi insigne Leonis,  
 Auspice te profugus tot regna tot oppida linquat  
 Europa, Libyaque calentis, & Asidis ora  
 Christiadis erepta, fero populataque bello:  
 Orbis & occidui prадator & orbis Eoi  
 Savus Iber, macha clypeus columenq, Latina  
 Terga soloque saloque det : & tibi cedat oranti  
 Qua meretrix multis Babylonica praesidet undis,  
 Imperioq, orbi late dominatur & urbi,  
 Ipsa nitens ostro, gemmisque auroque coruscans  
 Ebria sanctorum sed non satiata cruore,  
 Philtraque in aurato cyatho Circa propinans  
 Dementat magnos terra infatuatque Tyrannos.  
 At vos in populos quibus est commissa potestas  
 Semidei Heroes terrestria numina Reges,  
 Arma citi, ferte arma, lupaue inferte nefanda.  
 Ferrum, ignemque, famemque, ultrices sumite penas,  
 Accepti memores, & conduplicate merenti

Supplicium

Supplicium, corpus laniatum exurite flammis.  
 Det pater hoc vestris aboleri dedecus armis  
 Omnipotens; vestro cadat hac & vulnere pestis.  
 Iam cadit, ingentem Babylon trahit alta ruinam,  
 Quotidieq; ruet magis & magis illa, ruatq;.  
 Fatalis venit hora, diesq; novissimus instat  
 Enthea quem veterum cecinere oracula vatium.  
 Exultate poli atq; polo gens debita sancti,  
 Vestra Deus vindex nam justus damna rependet.  
 Vos opus inceptum, vos ô clarissima Rheni  
 Lumina provehite, atq; incumbite viribus aucti,  
 Atq; animis juncti; favet indulgentia cæli,  
 Et faveat, modo ne dominandi invisa Cupido  
 Transversos rapiat, lucrive inglorius ardor  
 Discordes trahat in partes dans omnia pessum,  
 Illice nec deses corrumpat inertia luxu.  
 Hoc velit & magni Gustavi nobilis umbra  
 Vulturis eripiens qui vos ex unguibus atris,  
 Sanguine vestra suo propè regna amissa redemit:  
 Hoc etiam monuitq; inculcavitq; superstes  
 Ille, micat nitido qui nunc fax aurea cælo,  
 Ipso Marte prior, proceres interq; verendos  
 Illustresq; heroum animas, quos certus adegit  
 Religionis amor magno se impendere bello.

Hic labor, hac ingens te, Carole, cura maneto  
 Mente, manuq; animis, armis, opibusq; tueri  
 Nobile Christi adum regnum, pomeria sacri  
 Imperii, & latè producere, & Antichristum  
 Sede suapulsū exturbare domique, forisque,  
 Immanemque feram extirpare, hydamque cruentam  
 Cornua dena simul, septem & capita alta tenentem,

Hinc

( )

*Hinc honor & clarâ tibi crescet adorea famâ,  
Et diadema tuo triplici diademate majus  
Te manet, & Regnum praestantius omnibus unum.  
Hoc pietatis amor teneris incoctus ab annis,  
Et veri innatum studium tibi spondet & aequi,  
Numinis atque timor tua flammea pectora replens,  
Hac aliis titulis laus anteit omnibus una,  
Altius ire queat pennâ, neque prae pete virtus.*

*Nos pro te interea, Regali & conjuge, claris  
Pignoribusque, novo tum mane & vespere sero  
Laborum sacris vitulos adolebimus aris,  
Longævus patrios ut quum duplicaveris annos,  
Regna Britanna regant post te, per secula mille  
“ Et nati natorum, & qui nascentur ab illis.*

GUILLIELMUS NEISBIT.

---

G

PA

---



## P A N E G Y R I S .

**C**Urarum depressa diu mens mole ferarum,  
 Et præstricta aciem, furvâ caligine luctus;  
 Hanc lætis subito rebus, si fortè levare  
 Pertentes : non illa valet solamina prima  
 Constanti prensare fide, nec læsa dolore,  
 Prima ferenatæ sustentat lumina sortis.  
 Sed confusa diu, (sic fert mutatio rerum)  
 Nec consultæ sui, longisque assueta querelis,  
 Sint manifesta licet, differt sua gaudia nosse.  
 Ipsa sibi foecunda malis, nec credula læti:  
 Donec certa ferens, fulgenti nuncia pennâ,  
 Publica cunctantes excludat fama timores.  
 Tum patet effusum manifesta in gaudia pectus,  
 Lætitiæ modus omnis abest, nec se capit ipsa  
 Mens certis lymphata bonis; nec perdita, votis  
 Sufficit, & nollet jam non doluisse, beata.

) C A R O L E, nomen vides Scotorum fida tuorum  
 Corda tibi hic pingi: quos, ex quo tristis ademit  
 Pacificum Lachesis patriæque tuumque parentem,  
 Assiduo merfit luctu miserabilis Ate.  
 Nunquam se meminit tantis nigruisse tenebris,  
 Nec nisi tunc meruisse suum, tua Scotia nomen.  
 Vulnere non alio valuit simul ultima lethi  
 Detrimenta pati, simul & non cedere letho.  
 Ipsa putes sortem delamentata caducam  
 Se tribuisse viro, nec haberi innoxia, Fata.  
 Sic maduit lachrymis, ut jam mutata figuram  
 Insula, cingenti Thetidi confusa nataret.

Illa

Illa licet reges centum sex luxit ademptos  
 Ante sibi, cunctos tamen haud sic flevit, ut illum.  
 Scilicet, ille unus, dotes possederat omnes  
 In cunctos sparsas proavos, sic jure merentem  
 Plus reliquis, reliquis plus luxit regibus unum.  
 Quid faceret viduata patris solamine tanti,  
 Nec dum præsents fruitura levamine nati.  
 Certe equidem tristi, quo non succumberet, Anglo,  
 Argumenta dabas, redivivus *Carole*, Phoenix,  
 Inque tuo vultu, nova lux effecit, ut illi  
 Occasus sine nocte foret. Nos perculit horror  
 Ereptique patris, tristisque absentia nati.  
 Quid mirum geminæ cessit si Scotia cladi.

At simul adventus est irradiata micanti  
 Luce tui, potiturque Dei præsents honore,  
 Tum demum rediviva sibi, fontique renata  
 Lætitia, finemque jocis spernentibus omnem,  
 Fortunæque apici, nec jam mutabilis ullis  
 Eventis, visa est. Dum te, Prosperrime Regum,  
 Ad diadema vocat, folioque investat avito,  
 Sceptraque dat fatorum ignara, & nescia subdi  
 Romano dominanti Anglis, Danove minaci,  
 Hispanove truci; aut vicini legibus Angli.  
 Cedite, O quotquot Scoti celebrare solebant  
 Ante dies! Non vos micuistis luce serenâ:  
 Clarior illuxit lampas, radiisque coronæ  
*Carole*. fidereæ, tua nunc quæ tempora cingit;  
 Auctior est, solemque potens percellere, fulget.  
 Nulla Rhodo, Phœbo vel contendente videri,  
 Splendidior concessa dies, non lectus habenis  
 Cum foret, & specimen divis ostenderet artis.  
 Gaudia percipimus captu majora fideque



Mortali, & reliquos animis rapientia motus.  
*Carolus* hæc peperit, doctus miracula semper  
 In populos conferre suos. Hæc omina traxit  
 Ortus, & in vitâ signa haud moritura relucet.

Ut primum excepit Regalis purpura sacrum  
 Imperii pignus, visum est in corpore numen  
 Majestate tegens nudum : vagitibus ipsis  
 Magnus honos habitus, simul infans terruit ira,  
 Nemo rudem vitæ vel primâ à luminis horâ  
 Te dixisse queat, tot es unus cura deorum :  
 Certatim properant congestis undique donis,  
 Arridere tibi, puerique ambire favorem,  
 Ut cuinam dignere sui dare nomen alumni.  
 Bellona, armipotens Mars, venatrixque Diana,  
 Quisque suo comptus cultu, sua munera primi  
 Voce ferunt hilari, ridentia numina sceptris.  
 Post Neptunus equos & aquas tibi fervidus offert,  
 Et quantum quævis sibi debeat insula jactat :  
 Denique succedit graviorum turba deorum  
 Justitia & Pallas, cum pace & doctus Apollo,  
 Et Charites, tenerique studentia numina fætus  
 Culturæ, turba Augusto bene nota parenti,  
 Quam simul ac vidit Genius tibi missus ab alto,  
 Præfecit cunis, aliosque abscistere jussit,  
 Germanoque vacare tuo, dum firmior ætas  
 Crescentem exciperet faceretque laboribus æquum.

Talibus exulta est infantia prima Magistris,  
 Regnandique animata modis, jam tum tibi cana  
 Mens meruit sacros cingi Diademate crines,  
 Sæpe parens in te miratus tanta, volentem  
 Sustulit, amplexuque fovens, digitosque retractans  
 Fatali nexos membranâ : (hæc *unio* constans

Unio

*Vnio* regnorum signatur.) Rector Olympi,  
 Dixit, ades fatis nati (namque auguror illum  
 Signari hæredem sceptri, cœloque reposci  
*Henricum*) patrio possit confidere regno,  
 Imperiumque triplex moderatâ mente gubernet,  
 Et quartum faustis repetat non segniter armis:  
 Aut hoc si vetitum est, da gentibus esse timori  
 Inferis patriæ, *Nemo hunc Impune laceffat*,  
*Defendatq; fidem* totâ jam sorde remotâ,  
 Afflictosque juvet socios non milite vano,  
 Detque suis pacem populis; regnisque relinquat  
 Pacatis sobolem, nec in ævum definat hæres.

Audiit ista Deus, cum tuque paterque, relicta  
 Gente Caledoniâ, cupidos migrastis ad Anglos,  
 Flagrantisque jugo tam claro à stemmate Regum.  
 Scilicet haud potuit multis educta regendis  
 Gentibus, angusto remanere potentia regno.  
 Et quamvis genitor solio contentus avito,  
 Penè recusaret dilectas linquere sedes;  
 Dum tamen ipse oculos tua certa in fata retorquet,  
 Scotia deferitur: fatalia *Marmora* gaudent  
 Sancta potestatis geminatæ pondera ferre:  
 Illic, nulla tibi puero intentata sororum  
 Doctarum monumenta jacent, tibi rector Apollo  
 Certat, & aut patitur vinci se, aut vincitur arte.  
 Successuque pari, reliquorum cuncta deorum  
 Munera pertractas, doctores vincit alumnus.  
 Jam nescit Diana canes, Bellonave turmas  
 Direxisse æquata tibi, Mars robora nescit  
 Militiæ. Sed præ reliquis Neptunia dextra  
 Tenditur: & famulum, dixit, ne sperne tridentem  
*Carole*, Laomedon nec sit tibi spernere suasor.

Sat mercedis erit, si quos tibi nutrio pullos,  
 Quâ Theris arcta suos Celtis determinat Anglos,  
 Acceptare libet. Non vincet Pegasus illos  
 Gorgoneus, non Solis equi stimulante magistro.  
 Excuteris his victor equis Rex, Castora tergo  
 Cyllareo, Xantho deturbaretur Achilles,  
 Bellerophon caderet, post Æthon terga relictus,  
 Sessori infremeret, flagrans tua pondera ferre.  
 Celtica flectendis gens expertissima frenis,  
 Arte minor propria, sua victa lupata stupebit.  
 Nec minus æquoreis victor celebrabere regnis.  
 Namque tuis ratibus, turres superantibus altas  
 Vastâ mole trabum, (quæ dum jaculantur ab ære  
 Fulmineos candente globos, maris omne tremiscit  
 Numen, & aligeras arces mirantur in undis),  
 Semper ero præsens Rector, tua vela secundis  
 Distendant ventis, & eris regnator aquarum.

Mox ubi bis septem virtus adolevit in annos  
 Cæsareæque sedet prudentia vivida menti,  
 Qualis erat quondam meditantis jura Catonis:  
 Cumque tuo Pallas, sine vi, manifesta cerebro  
 Exiret, bello pariter monitisque verenda:  
 Tum pater ambrosio tibi talia fudit ab ore.

Successure mihi, fatorum ex numine fili,  
 Aggredere imperium, populis assuesce regendis  
 Vix dum compositis, & adhuc memorantibus iras,  
 Majorumque odiis exercita bella nefandis.  
 Si stabilita tibi seclorum ex ordine longo,  
 Sola Caledoniæ gentis nunc regna subires,  
 Securum assereret reverentia debita stirpi  
*Fergusidum*, graviora manent te pondera sceptri,  
 Vixque humeris gestata meis. Sudaverit Atlas

Tantæ

Tantæ suppositus sceptrorum brachia moli.  
 Stirps igitur virtusque tibi texantur in uno  
 Stamine, (foelices decet una hæc purpura reges.)  
 In te componi geminam nunc disce synopsis  
 Orbis, habet primam corpus, munusque secundam,  
 Utraque dictat idem, nisi lex hæc una tenetur,  
 Ut nata imperio regnent, debentia subdi  
 Subdantur, seruetque suum pars quæque tenorem.  
 Nulla tuum regnum, nec te tranquilla beabunt  
 Otia; curarum semper torqueberis æstu.  
 Vasta vide, quâ lege vigens hæc machina perstet?  
 En parent Elementa polo, polus illa benigno  
 Irrigat influxu, nec mutua gaudia tollit  
 Obsequio comitata pio suprema potestas.  
 Dispar in humani nec lex est corporis orbe,  
 Namque Deus numeris qui condidit omnia, junxit.  
 Æternam in nobis, brutâ cum parte, favillam :  
 Bruta subest, celsâ æternam regione locavit,  
 Factorum dominam, sedaturamque procellas  
 Irarum, jecorisque immania vota tumentis.  
 Illa vagos cohibet sensus, rectumque tuetur,  
 Imbuit & studio penetralia mentis honesti.  
 Imperet illa tibi, tibi si parere volentes  
 Vis populos, diri & nomen vitare Tyranni.  
 Hac duce diffugient aularum infamia, luxus,  
 Ambitioque tumens, & vili in pectore livor.  
 Illa docebit, uri plebi patribusque loquendum,  
 Et quibus Imperii prudens utere ministris:  
 Quos decet esse domi famulos, quis Martis amator,  
 Quis Thetidi sociandus erit, Themidisve sacerdos.  
 Nec te prætereat Donum regale parentis  
 Quod tibi prospiciens, nostra haud ingloria Pallas  
 Condidit

Condidit, experti loquimur, nec tutius unquam  
 Regnatur, natum quam cùm Rex edocet ipse  
 Unum iterum moneo (morientem crede loquutum)  
 Sacra Britannorum nullâ jam face relictâ  
 Romulidum, prisco sed restaurata tenori  
 Custodi, nec bruta time Rex fulmina Papæ.  
 Quod si fortè tibi peregrinâ ex gente petenda,  
 Uxor erit, mentem Romano infecta veneno,  
 Nec te pelliceant in adultera sacra lepores  
 Conjugis, hanc potius tua vita & verba repurgent.  
 Nec tantum ditione tuâ defensa triumphet  
 Causa Dei, fociis sed relligionis amore  
 Afflictis succurrepius, rerumque potentes  
 Concilia miseris, aut armis exige pacem.

Hæc & plura tibi effato, responsa dedisti.  
 Ista quidem, venerande Parens, mandata reponam  
 Efficienda mihi, modo conspiraverit ausis  
 Vis divina meis, precibus mihi sæpe vocanda.  
 Nec mora : Germanus postquam inter sydera sedit,  
 Parrhasique auxit flammantia lumina cœli,  
 Te patris adjungis lateri, nec deferis unquam  
 Sudantem imperii curis, camerisque vacantem  
 Justitiæ geminis, quos consulit Anglia Delphos,  
 Aut Scotis responsa suis clementia dantem,  
 Aut jam perdomito renovantem fœdus hyberno.  
 Inque vicem patris legatos excipis, audis  
 Mandatas aliunde à multo principe causas,  
 Perpensisque diu non inficianda parenti  
 Das responsa seni : stupet ipse oracula nati.  
 Tum vobis, si quando aliis qui jussa referret  
 Orator mittendus erat, tu cautus euntem  
 Instruis imperio dignis sermonibus, & quo



Celta levis, Batavusq; modo, Venetusq; movendus,  
Germanique rudes, & solers pectus Iberi.

Quin ubi debilior cunctorum est munere virtus,  
Ipse subis munus, nullo non pondere major.

Testis ad occiduos susceptum munus Iberos,  
Quod stupuit casu suspensa Europa futuro:  
Cum tu depositâ jam maiestate, nec ulli  
Notus, equo celeri, vix & comitatus amico,  
Lirtus adis, Boreâ das lintea, trajicis æquor,  
Regnaque Franca subis, verum ignorantia regem.  
Hic datur aulai medio consistere plenæ,  
Et designatæ tibi conjugis ora tueri.

Moxque latens virtus tua, Celtica pervolat arva:  
Nescio quid tamen in vultu regale coruscat,  
Vixque laterè finit (sic nec divortia lucis  
Longa tenent Phœbum). Vix est Bayona relicta,  
Limes & Hispanus vestigia prima recepit,  
Et fama est, abiisse virum; petis inde Madricum;  
Attonitumne magis dubium est, an Principe tanto  
Gavisum, cupidumve adventus discere causas  
Insoliti: pendent omnes, nec parva rogatum  
Te venisse putant, diducto ex orbe, Monarcham.  
Intrepidus mandata patris secreta revelas  
Concilio. Mihi pax & conjugalia vota,  
(Sic modo Rhenanis *Fredericus* redditus arvis,)   
Persuadere viam. Sin hæc optata negatis,  
Tempeſtiva meis, & inevitabilis hora  
Vindictis aderit. Jus inviolabile tantum  
Legati, hospitiique simul nunc jure requiro.  
Interea dum certa diu responsa parantur,  
Aula stupet dextram spumantia fræna regentem.  
Quos armatus agis gyros: utque obvia cuspis

Obstantem proturbat equo, vel figitur armis.  
 Nec minus in quovis certamine, *Carole*, vincis,  
 Corporis aut gestu. Tot in uno pectore dona  
 Incensura Deas, ambit clam *Regia virgo*.

At postquam Genitor causando tempora falli  
 Accepit, (nec enim placuit tua vota Philippo  
 Despexisse palam) pressio redit inde dolore,  
 Per mare deproperans populique patrisque timorem  
 Tranquillare redux, noctemque fugare doloris  
 Pectoribus. Populus per compita festa celebrat  
 Ignibus extructis, genitor complectitur ulnis  
 Propitio dans sacra Deo, seseque beatum  
 Te consorte magis, quam quovis munere divum  
 Indicat, ut cujus sua nunc secura senectus  
 Incumbens humeris, paulatim munia regni  
 Deposuisse queat, finemque imponere curis  
 Terrenis, vacuamque Deo componere mentem.  
 Ante tamen placito quam subvectetur Olympo,  
 Te spectare juvat, solido firmamine nixum,  
 Qua ratione pares nova regna capessere patris,  
 Exemplarque sui laudat, vincique precatur,  
 Et victus vicisse putat, gaudensque triumpho,  
 Advehitur superis tandem gratissimus hospes.  
 Jamque Deo premitur tua, *Cassiopeia*, cathedra,  
 Inque genu supplex *Alcides* flectitur, *Orphei*  
 Personat astraferis *Lyra* regia carmina chordis,  
 Pronaque sydeream præbes *Ariadna* coronam.  
 At post exequias quam regia pompa peregit,  
 Tunc onus impositum solus generose subisti,  
 Et vigil imperii partes conversus ad omnes,  
 Nulla fabare finis, nec se subducere sceptris.  
 Postquam compertum est, fundamina tuta manere,  
 Tum

Tum majora moves, regnum sponsura paterno  
 Consimile, aut melius, si quid superaddere fas est.  
 Et quia prima trahit plebs regis in omina, facta,  
 Virtutem ingeminas, & nullâ nube coruscas  
 Sol oriens, faustumque diem pronittis ab ortu.  
 Religio micat imprimis, nec dedecet aulam  
 Nunc pietas, tectisque tuis blasphemia cedit  
 Impia, Dîs sacro par est tua regia templo,  
 Et timet insanus numen te principe miles.  
 Quaque ruit vitium proclivius, obvia vitæ  
 Disponis documenta tuæ: tibi spernitur omnis  
 Ventris inexpleto mergit qui viscera Baccho;  
 Aula licet Veneres capiat tua mille superbas,  
 Casta tamen thalamis conservas membra pudicis,  
 Despiciturque tibi, qui væcors ambit honores,  
 Aut piscatur opes, mendax te lingua flagellum  
 Sentit, adulator conspectum ferre recusat.  
 Sola tuum virtus captat blandita favorem,  
 Sola magistratu fruitur, quia sola meretur.  
 Hæc tibi perpetuam sat erant spondere quietem,  
 Fata vetant, sortes sueta immutare secundas,  
 Nectamen ira Deum turbas tibi concitat ullas,  
 Exercenda manet virtus, ut crescat ab hoste.  
 Parva tuæ classis terret pars Herculis undas,  
 Et docet Hispanos mentes frenare superbas  
 Visa semel, memoresque Draci, cladisque Britannæ  
 Reddit, & ad pacem cogit fera corda rogandam.  
 Dumque paras iterum classes, Erycina moratur,  
 Et de Borbonio spondet tibi stemmate Nympham  
 Vix sibi celsuram specie. Quid gaudia differs  
 Sanctæ thori, dixit? Quid nunc nova regna petuntur,  
 Quum desit propriis hæres? hoc postulat ætas?

Hoc procures regni cupiunt : Tum protinus almam  
 Alite cum puero demittis in ossa Dionen,  
 Supponisque jugo patiens tua colla marito.  
 Dederit exultans virgo, patriamque, laresque,  
 Et consanguineos, consors gestura coronam  
 Tergeminam, tandemque Anglis allabitur oris,  
 Exoptata tibi, jamque oscula mutua læti  
 Figitis, & thalamos juncti conscenditis altos.  
 Nulla dies nobis luxit celebratior illa.  
 Vota carent numero pro faustâ publica prole,  
 Et rata propitium dedit hæc in tempore Numen.  
 Nec tamen (ut res sunt humanæ) hæc gaudia durant  
 Intemerata malis : aulam nova turba fatigat,  
 Celtarum hoc opus est. Commercia mutua regnis  
 Interrupta cadunt, Mox auxiliaria supplex  
 Arma, obseffa rogat, communis nomine causæ  
 Rupella, egregio complentur milite naves.  
 Insula Santonicis *Rhea* est contermina terris;  
 Appellunt, capitur magnâ virtute tuorum,  
 Et valuit penitus subdi, Rupellaque ruptis  
 Nunc stare aggeribus, ni fata averfa vetarent,  
 Et Deus his adimens statuit quos perdere mentem.

Hæc & plura tuo perplexa negotia, Scotos  
 Orbarunt, cheu, vultu, per tempora solis  
 Pene novem, spatio totidem vincentia sæcla.  
 Jamque querebantur tibi se sordescere viles,  
 Cumque tuo vellent unâ occubuisse parente,  
 Plura quoque enumerant transacta triennia, nec te,  
 Ut voluit genitor, visentem regna tuentur.  
 Cum tibi sub mediam natalis Scotia noctem  
 Visa fuit, laniata comas, & squalida vultum  
 Lucrificum, talesque in questus ora resolvens.

Siccine

Siccine despīcīmur ? sic ne aspernaris alumne  
 Nutricem ? nostin' has ulnas, quæ que ubera suxti ?  
 Hoc cunæ meruere tuæ ? nec fervida pigrum  
 Vota movent ? nec te natum mortura reduco ?  
 En lachrymæ : (lachrymisq; meris tua strata rigavit.)

His commotus, iter devotum suscipis, & te  
*Carole* jam fruimur Scoti. Non amplius ægræ  
 Tedia longa moræ querimur : lux una dolores  
 Hæc cunctos delere valet : Nec gratius unquam  
 Coelicolæ Scotis impertivere trophæum.  
 Illum quisque diem natalem supputat esse  
 Communem patriæ. Non norunt gaudia metam,  
 Astra fatigantur votis, & ovantia cœlum  
 Verba movent : Sit rexne suus cui tanta parentur,  
 Anne alius suppar, dubitans scitatur, & audit  
 Patricios plebemque hæc clarâ voce tonantes.  
*Vivat Nestorios, vivat Rex CAROLUS, annos,*  
 Scotigenasque suos patrio defendat amore.  
 Qualis erit, vultus quem Regis inaugurat, annus ?  
 Qualis erit Scotis ? Nulli sua vota negabis,  
 Et *Restaurator* dicêris *Carole* regni.

Tu, quæ sacrilegus zelus subduxerat aris,  
 Restitues, Decimasque Deo per sæcula sacras  
 Injustis rapies dominis, reddesque Levitis  
 Christicolis, olim res designata parenti,  
 Jamque incepta tibi. Te nunc Ecclesia patrem  
 Agnoscit, clypeoque tuo defensa vigebit.

Tu Themidi sua jura dabis, legumque potentes  
 Legibus astringes, & dignos dicere cello  
 Jura tribunali statues. Jam Scotia nolit  
 Astram rediisse Polo. Monopolia, pestes  
 Regnorum penitus tolles. En regia jura



In certos translata viros, sibi cuncta liceri  
 Credentes, cohibere paras, et quicquid iniqui  
 Majoresve tui, aut injusta licentia fixit,  
 Edictis revocas, offenso nemine, cautis.

Tu quoque Mœonidas, Parnassia templa colentes,  
 Phœbæumq; chorum, patris vestigia calcans,  
 Adspicies placido vultu, largisque juvabis  
 Muneribus, doctâque dabis revirescere lauru.

Nulla quidem regio gemino jacet axe, sororum  
 Doctarum studiis prior hac, sed degravat illam  
 Pauperies, tenebrisque ingentia pectora damnat.

*Carole* Phœbus ades, noctem, sol aureus illam  
 Pelle procul Scotis, nil magnificentius unquam  
 Auspiciis diadema suis hoc invenit uno.

Materies en ampla patet. Quâ Glotta disertus  
 Glasgua culta rigat (fluvio stant nomina *linguæ*  
 Cecropiæ, Phœbi arbitrio, *Campi, virentis*

Urbs gestat titulos, & sunt loca commoda musis.  
 Hic, Phœbo nova templa parant, turbæque novenæ  
*Strangius*, & focii, gratissima pectora divis,

Respice surgentes muros, exertaque terris  
 Fundamenta domus, & amantia Principis almi  
 Crescere muneribus, summumque attingere culmen.

Fac opus esse tuum, tua regia nomina gester.  
 Nec tua, munifici superent benefacta parentis:

Ille redux, statuit Scotis collegia nomen  
 Gestatura suum, nec tu diademate nuper  
 Cinctus idem statues? non sic tibi sordet Apollo.

Fac tua marmoreis sic scribi nomina saxis,  
*Carolus has ades, visit quotempore Scotos,*  
*Esse sua posuit monumenta benigna Corona.*

Sic tua Glottig enisproconia sola Camoenis

Materies

( )

Materies fuerint. En quâ dulcedine captæ  
Te celebrant, narrant & quæ solatia facris,  
Quæ Themidi, & Musis, tua nunc præsentia fecit !


O supra numerum foelix hoc, Anglia, Rege  
Quo semper frueris ? nobis hæc munera debes.  
Nec sane indigna es, cujus fiducia tantum  
Sernet depositum, nec nos privamur amore  
Absentis, radios sed persentiscimus almos.  
Astra sibi Phœbus propiora illustrat, at idem  
Vitalem spargit terris procul inde calorem,  
Corque sedens medio, manifestius ire per artus  
Sentitur, membrisque magis vigilare remotis;  
Et motum oceani, haud altum, sed littora norunt :  
Sic tu prospicies licet absens, *Carole*, nobis,  
Et facies semper, geminatâ ut voce precemur,  
*Vivat Nestoreos, vivat Rex Carolus, annos,*  
*Scotigenasque suos patrio defendat amore.*

ROBERTUS MAGNUS.

---

FINIS.

---



C 11916  
SL 51689

REPRODUCED FROM THE COPY IN THE  
**HENRY E. HUNTINGTON LIBRARY**

---

FOR REFERENCE ONLY. NOT FOR REPRODUCTION